

## เอชรา

พะหัม เอชรา ซิป ไลลวง เมือง ยุดำ เนอิม นิง พะหัม 4 กซัด ๓ มัย ไลลวง ตอก โฮลส โม ยิว ป แปน ครา นิง เมือง ป่า บีโลน เอ็ญ ฮอยจ เมือง ไพรม เตะ งอน ๓ ไม่ มัย โรส อี ไล ลวง ตอก โฮลส ปุย เมาะ ดัง โคระ บันเมือง เตะ ไม่ โฮลส แม อี ไวออน นิง เมือง วิฮัน ไพรม นิง เวียง เขรุษาลेम ๓ กัน เซ ไก แปน คัก เตะ ตอก เฮ็ ๓

1. โม ยิว ตี มู เอ็ญ เนอิม นิง เมือง ป่าบีโลน เบือ รชอม ดวน กซัด ไชรัต ป มัย กซัด ระ นิง เมือง เปอเซีย อี ๓ ป นัม โม เฮ็ มัย เซรุษ่าเบ็น ๓ เฮ็ มัย มู รกา นิง อี ๓

2. ปุย ยุส โคระ วิฮัน ยุส พะจาว ไม่ ทไว อี ละ พะจาว ๓ โฮลส โรส ไวออน ไม่ มอก อี ทไว ซัดซิง นิง คัน ทไว ตอก กอ ยุส ไพรม เตะ ๓

3. เญือม เอ็จ โปน แม อี เมาะ ด่าว 60 เนอิม ๓ ไก โม ยิว ตี มู แม ป เอ็ญ ฮอยจ นิง เวียง เขรุษาลेम ๓ ป นัม โม เซ มัย เอชรา ป แปน คู เพอิก พะหัม ป ยุง ที ไลลวง โกตโม ยุส ไอ โมเซ ๓ เอชรา เซ โฮลส เรอิม ปุย เกือส เมาะ กัน ยุส เตะ ละ ซ แปน อี ป ปุก ละ พะจาว ๓ เตือง กัน อาวต ปุย ไม่ ปุ เตะ ไม่ กัน นัปที อี พะจาว นิง วิฮัน ๓ จีวิต โม ยิว ลอด โฮลส อาวต ตัม ปุก อี ไล เตะ ฆกี อี ๓

เงิน เอชรา เฮ็ ปุก เวลา กา เกิด พะเยซุ เมาะ ด่าว 450 เนอิม ๓

กซัด ไชรัต เกือส โม ยิว โฮลส แม เอ็ญ เมือง เตะ

1 เนอิม โสลอย โรง ไชรัต\* กษัต เมือง เปอเซีย แปน กษัต ระ อา◻ เญ้อม เซ พะจาว โบว รพาวม อี เกือฮ อี เนอิง ป อัย แต่ะ◻ มัย ยุฮ อี ตอก เซ นิง ซ เกือฮ แต่ะ โอเอฮี เกิด ตัม ป อัย เยเรมิ อิง◻ กษัต เซ เกือฮ ปุย โสว ครอบ ไลลาง เฮี ละ ปุย เลีป เมือง เตียง แต่ะ เซ◻ เกือฮ โรฮ ปุย ไชฮ อี แปน นังซี ตอก เฮี◻

2 ◻เฮี มัย รชอม ไชรัต กษัต ระ เมือง เปอเซีย◻ พะเยโฮวา ป มัย พะจาว กุม เมือง มะลอง เอ็จ มอป เมือง ปุย ดี ปลัยเตะ ละ อี เตือง โออยจ อี◻ เอ็จ ดวน โรฮ อี ยุฮ วิฮัน ละ แต่ะ นิง เวียง เยรูซาเลม ป ไก นิง เมือง ยูดา เซ◻

3 โม เปะ เตือง โออยจ เปอะ เมอะ ป มัย ปุย ไน พะจาว เซ ปัว พะจาว ยุฮ เปอะ อาวต ไม่ เปอะ◻ ไม่จ โม เปะ เอัญ ฮอยจ นิง เวียง เยรูซาเลม ไน เมือง ยูดา เซ◻ ละ ซ ยุฮ โคระ แม เปอะ วิฮัน ละ พะเยโฮวา พะจาว ที โม อิชราเอน◻ พะจาว เซ มัย ป อาวต นิง เวียง เยรูซาเลม เซ◻

4 โม ป มัย ลั่ง ปุย ไน พะจาว บึง อาวต นา ออฮ นา เอฮ ญก◻ ดัย ไก ป ตองกัน ปุย เรอิม แต่ะ นิง กัน ซ เอัญ อี ฮอยจ นิง เมือง แต่ะ เซ◻ เกือฮ เอิน ปุย ย่าง อาวต อี เซ เรอิม◻ ไม่จ อี เกือฮ โคร มกี ละ ไม่ จลิต คอง กิน ไม่ ซัตซิง ละ ซ ตั้ง อี โรวก โอเอฮี นิง อี◻ ไม่จ โรฮ อี เกือฮ ไม่ โอเอฮี ละ ซ ทไว อี ละ พะจาว ตัม รพาวม ฆวต ทไว แต่ะ นิง วิฮัน ป ไก นิง เวียง เยรูซาเลม เซ◻◻ อัย เซ รชอม กษัต เซ◻

5 เญ้อม เซ พะจาว โบว รพาวม ปุย งอน เกือฮ อี ฆวต เอัญ◻ มัย โม ฮันนา ซลลาม โม ยูดา ไม่ โม เบนยามิน งอน ไม่ โม ซตุ ไม่ โม เลวี งอน◻ โม เซ เพรียง ดี แต่ะ ละ ซ เอัญ ยุฮ โคระ แม แต่ะ วิฮัน ละ พะจาว ป อาวต นิง เยรูซาเลม◻

\* 1:1 1:1 กษัต ไชรัต เป เมือง บ่าบีโลน ไน เนอิม 539 กา เกิด พะเยฮู◻ ลอด โสลอย แปน กษัต ระ◻ เคียง เซ ปุน เตียง ปุย โสวาน เมือง◻

6 โม่ ปุ ย่าง อี เตือง โอยจ อี เรอิม เนอิม อี นิง เครอึง ไคร เครอึง ม้า ไม่ ป โชม ป ปอน อี ไม่ ชัดซิง ไม่ โอเอฮิส ไฮญ เตือง ป ซ ท ไว อี ละ พะจาว ต้ม รพาวม ชาวท ไว แต่ะ□

7 กลอง เชื่อม ไม่ โอเอฮิส ไฮญ ป ตย กซัต เนบู้คัตเนซัน โรวก ฮา วิสัน ยุส พะจาว นิง เยรฐาเลม ไฮ□ ไม่ อิง อี นิง เวือด พะ ที แต่ะ ไพรม อี เซ□ กซัต ไชรัต เซ เกือฮ แม อี ละ โม่ ยิว□

8 กซัต ไชรัต เซ เกือฮ มิตรัดต ป แลน คง ระ งวยฮ ยุส แต่ะ ตาว โอเอฮิส เซ โอ□ เกือฮ อี เมญู เมาะ ไก อี□ เกือฮ เซน อี ละ เซตบัตซา ป มัฮ จาวเมือง ยุดา□

9-10 เครอึง โม่ เซ มัฮ ตอก เฮี เซน อี□ ไก เชื่อม ไคร 30 ไม่ เชื่อม ม้า 1,000 ไม่ ทัต ม้า 29, ไม่ กลอง ไคร 30 ไม่ กลอง ม้า แต่ะ 410 ไม่ เครอึง ไฮญ 1,000.

11 เตือง โอยจ อี ไก 5,400 เจือ ป มัฮ เครอึง ไคร เครอึง ม้า โรวก อี เซ□ โอเอฮิส โม่ เซ มัฮ ป โรวก เซตบัตซา ไม่ แต่ะ เญือม นัม อี โม่ ป เอญู เนอิม นิง แปน แต่ะ ครา นิง เมือง ป่า บีโลน ฮอยจ นิง เยรฐาเลม□

## 2

### มอยฮ โม่ ป เอญู เนอิม แปน แต่ะ ครา

1 พวยจ เซ ไก โม่ ครา โฮวน ปุย ป โยลส โอ ก เอญู เนอิม เวียง ป่าบีโลน เซ เอญู ฮอยจ นิง เวียง เยรฐาเลม ไม่ เมือง ยุดา□ ตัง โคน ตัง ฮอยจ นิง ย่าง โกะ แต่ะ ไอฮ□ ปุย โม่ เซ มัฮ โม่ ป โยลส กซัต เนบู้คัตเนซัน โฮมวต โรวก ละ ซ เกือฮ อี แปน ครา แต่ะ นิง เวียง ป่าบีโลน เซ□

2 โม่ ฮันนา ยูส อี มัส เซรุบ่าเบ่น□ เยชูอา□ เนฮะมี□ เซไร  
 อา□ เรเอไลยา□ มอเตโค□ บินัน□ มิซปา□ บีกไว□ เรฮุม□  
 ไม บ่าอานา□

เคียง เฮี มัส มอยฮ ซมลลวม โม อิศราเอน ป เอ็ญ เนอิม  
 แปน แต่ะ ครา เซ ไม เซน ปุย หนึ่ง อี โครยญ ซมลลวม อี□

3-20 ซมลลวม ปาโรต 2,172 ปุย

ซมลลวม เซฟาทียา 372 ปุย

ซมลลวม อารา 775 ปุย

ซมลลวม ปาฮัด□โมอัป ป มัส จัตเจือ เยชูอา ไม โยอัป  
 2,812 ปุย□

ซมลลวม เอลัม 1,254 ปุย

ซมลลวม ซัดทุ 945 ปุย□

ซมลลวม ซักโค 760 ปุย□

ซมลลวม บ่านี 642 ปุย□

ซมลลวม เบ่ไบ 623 ปุย□

ซมลลวม อัดกัต 1,222 ปุย□

ซมลลวม อาโดนิคัม 666 ปุย□

ซมลลวม บีกไว 2,056 ปุย□

ซมลลวม อาดึน 454 ปุย□

ซมลลวม อาเทอ ป อัฮ ปุย เฮเซศียา ไม เซ 98 ปุย□

ซมลลวม เบ่ไซ 323 ปุย□

ซมลลวม โยรา 112 ปุย□

ซมลลวม ฮาฮุม 223 ปุย□

ซมลลวม กิปบ่า 95 ปุย□

21-35 โม่ ป อาวต จัตเจือ ไพรม อี หนึ่ง ย่าง โม เฮ็□ โม ป  
 โสลฮ อี เอ็ญ□ มัส ตอก เฮ็□

โม เบตเลเฮม 123 ปุย□

โม เนโทฟา 56 ปุย□

- โม อานาโทต 128 ปุย□
- โม อัทมาเวต 42 ปุย□
- โม คิริยัต เขอริม□ เคฟิรา□ เบเอโรต 743 ปุย□
- โม รามา ไม เกบ่า 621 ปุย□
- โม มิกมัต 122 ปุย□
- โม เบตเอน ไม โม ไอ 223 ปุย□
- โม เนโบ 52 ปุย□
- โม มักบัต 156 ปุย□
- โม เอลัม ดี ย่าง อี 1,254 ปุย□
- โม ฮาริม 320 ปุย□
- โม โลต โม ฮาดิต ไม โม โอนโน 725 ปุย□
- โม เยรีโค 345 ปุย□
- โม เซนาอา 3,630 ปุย□
- 36-39 เคียง เฮี อี มัส มอยฮ ซฆลวาม โม ซตุ นิง อี□ ป โฮลฮ
- โรฮ อี เฮ็ญ มัส ตอก เฮ็□
- ซฆลวาม เยด่ายา ป มัส จัตเจือ เยซุอา 973 ปุย□
- ซฆลวาม อิมเมอ ไก 1,052 ปุย□
- ซฆลวาม ปัตเฮอ ไก 1,247 ปุย□
- ซฆลวาม ฮาริม ไก 1,017 ปุย□
- 40-42 ซฆลวาม โม เลวี ป เฮ็ญ อาวต นิง เมือง เซ มัส ตอก
- เฮ็□
- ซฆลวาม โม เยซุอา ไม โม คัตมีเอน เซ ป มัส จัตเจือ โฮ
- ด่าวียา ไก 74 ปุย□
- โม นักโดันตริ ป มัส จัตเจือ อาซป นิง อี ไก 128 ปุย□
- ซฆลวาม โม ป มอญ นิง อี ป มัส จัตเจือ ชันลุม□ เอ
- เทอ□ หันโมน□ อักคป□ ฮาทิทา ไม จัตเจือ โซไป โรโจ เตือง
- โออยจ อี แปน ไก 139 ปุย□

43-54 จัตุเจือ โม ป ยุส กัน นิง วิฮัน นิง อี ป โสลย อี เอ็ญ มัย ตอก เอ็ญ จัตุเจือ ซึฮะฮะ ฮาซุฟา หัปบ่าโอด เคโรต ซึฮา ฮา พาโด่น เลบ่านา ฮากาบ่า อักคูป ฮากาป ชัมไล ฮานัน กิตเด่น กาสา เรอايا เรซิน เนโคดำ กัดชัม อุดชา ปาเซฮา เบไซ อัดนา เมอูนิม เนฟิม บักบูก ฮาคูฟา ฮารฮุน บัตลุต เมฮิด่า ฮารซา บารโคต ซิ เซรา เทมา เนชียา ไม ฮาทิฟา

55-57 จัตุเจือ โม ป มัย กวนใจ กซัต ซาโลมอน โม ป โสลย อี เอ็ญ มัย ตอก เอ็ญ จัตุเจือ โซไทฮอ ฮัตโซเฟเรต เปร์ดา ยาอาลา ดาร์โคน กิตเด่น เซฟาทียา ฮัตทิน โปเคเรต ฮัตซาบ่าอิม ไม อามิ

58 จัตุเจือ โม ป ยุส กัน นิง วิฮัน ไม โม จัตุเจือ กวนใจ ซา โลมอน เซ เตือง โอยจ อี ไก 392 ปุย

59-60 ไก ปุย ซมลาวม เดไลยา ทอป้อา ไม เนโคดำ ป เอ็ญ เนอิม นิง ย่าง เทนเมลา เทนฮันซา เครูป อัดตัน ไม อิม เมอ ปุย โม เซ ไก โตว ลักทัน นิง กัน มัย แตะ โม อิชรา เอน ปุย โม เซ รโจะ เตือง โอยจ อี ไก 652 ปุย

61-62 ไก โรฮ ซมลาวม โม ซตุ งอน ป โอ ไก ลักทัน นิง กัน มัย แตะ ซตุ มัย ซมลาวม ฮาบ่ายา ฮักโคต ไม ปา ซึไล กา เซ เอ็จ ไก พรเมะ ดี ปุย เอ็อะ ไม พรโปวน ป มัย จัตุเจือ ปาซึไล ป อาวต นิง เมือง กิลอวัต ลอด เอ็น เม็ญ ดี แตะ แปน ซมลาวม ปาซึไล เซ ฮอยจ โรฮ ละ จัตุเจือ แตะ ปึง ซาวป โม เซ มอยฮ แตะ นิง ไลลวง มอยฮ โม ซตุ เซ ยุ โตว อี เคียง เซ ปุย เอ็อะ ญอม โตว เกือฮ อี แปน ซตุ ซึ อี

63 ป มัย จาวเมือง ยุส อี เกือฮ โตว ปุย โม เซ โสลย ซอม โอเอ็ฮ ทไว ปุย ละ พะจาว เซ ซึ อี ดี เจน กา ไก ซตุ ป เกีย ฮ ไกว อูริม ไม ทูมิ ละ อี เซ

64-67 โม ป เอ็ญ เนอ็ิม เปน เตะ ครา เซ เต็อง โอยจ อ็ ไก 42,360 ปุย □ กวนใจ รมะ กวนใจ รโปวน อ็ ไก แม 7,337 ปุย □ นั๊กโด่นตรี เต็อง ปรมะ ปรโปวน อ็ ไก 200 ปุย □

บรอง ยุส อ็ ไก 736 ตัว □

ลอ ยุส อ็ ไก 245 ตัว □

อุด ยุส อ็ ไก 435 ตัว □

บรัง ยุส อ็ ไก 6,720 ตัว □

68 โม เซ ญ็อม ฮอยจ อ็ นึง วิฮัน ยุส พะจาว นึง เวียง เสรูชาเลม เมอ □ โม ป มัฮ ฮันนา ซมลลาม ยุส อ็ เซ ทไว โอเอ็ฮ ละ ซ ยุส โคระ ปุย วิฮัน ละ พะจาว นึง เบ็อง ไพรม อ็ □ ทไว อ็ ไม่ เตม รพาวม เตะ นึง □

69 โม เซ ทไว อ็ ตั้ม เมาะ ปุน เตะ รโจะ อ็ ดี โดฮ ละ กัน ตะ เตะ ยุส เซ □ เต็อง โอยจ อ็ รโจะ โคร 470 กิโลกรัม ไม่ มรี 2,600 กิโลกรัม ไม่ เครอ็ง ซตุ 100 จุม □

70 โม ซตุ ไม่ โม เลวี ไม่ โม ลัซตุอน งอน ลอด เอิน อวต นึง เวียง เสรูชาเลม ไม่ ย่าง แควน เซ □ โม ป เซ็ย นึง อ็ ไม่ โม ป มอญ นึง อ็ ไม่ โม ป ยุส กัน นึง วิฮัน เซ ลอด โรฮ อวต นึง ย่าง ก ซติ อ็ ไม่ นา เซ □ โม อ็ชราเอน ไฮญ นึง อ็ ซาวป อวต ก อวต จัตุเจ็อ ไพรม เตะ □

### 3

ปุย โสลส ทไว แม โอเอ็ฮ ละ พะจาว นึง คัน ทไว

1 โม อ็ชราเอน อวต ไม่จ นึง ย่าง เตะ เต็อง โอยจ เตะ □ ญ็อม เอ็จ เต็ง เค อาลลส ยุส อ็ □ ญ็อม เซ ฮาวก รโจะ รเจ อ็ นึง เสรูชาเลม เต็อง มู เตะ □

2 เยชูอา ป มัฮ กวน โยซาตัก โกฮ ยุส ดี กัน ไม่ ซตุ ไฮญ ไม่ เซรูปาเป่น ป มัฮ กวน เซฮันทิเอน ไม่ โม กระ ฆ็อด อ็ □

ยฺฮู โคระ คัน ละ ซ ทไว ปุย โอเอฮีย ละ พะจาว ที โม อิชรา เอน□ มัซ ยฺฮู อี ตัม รซอม ไซฮ ไอ โมเซ ป มัซ ปุย ซิป ลปุง พะจาว ออิง เซ□

3 ปิง สลัต นิง ปุย ไฮญู ป อาวต นิง เมือง เซ□ ปุย โม เซ ยฺฮู ลัง คัน นิง เบือง ไพรม อี เซ□ มอก ตอง ทไว ซัดซิง ละ พะจาว นิง อี เตือง เมื่อ กษะ เมื่อ กปุ อี□ โครยญู ซงะ□

4 เญือม เติง เวลา ซลอง อี อาวต เตะ นิง เตอีย ตัม ป ไซฮ ปุย ออิง นิง พะทัม□ เอัจ โฮลย โรย ทไว โอเอฮีย นิง อี ตัม เมาะ ลัง ทไว เตะ โครยญู ซงะ โรย□

5 ฟวยจ เซ มอก ตอง ทไว โอเอฮีย โครยญู ซงะ□ ไม่ โครยญู ลลึง เค ไม่ โครยญู เวลา ไก กัน ซลอง ปุย ไม่ ปุ เตะ ละ ที เตะ พะจาว. เกือย โรย ปุย ทไว พิเซต อี ตัม รพาวม ขวต ทไว เตะ ละ พะจาว.

6 วันที่ 1 เค อาแลย นิง อี มัซ ซงะ ทไว โรง อี โอเอฮีย ละ พะจาว. ปิง โอ ปุย ดี เตือน ยฺฮู ทัน วิฮัน ยฺฮู พะจาว ญุก□ เอัจ ปน ตอง เนอิม ทไว ซัดซิง ละ อี ตอก เซ□

### ปุย ยฺฮู โคระ แม วิฮัน

7 เญือม เซ ปุย โม เซ เกือย มวี ละ โม ซังปุน ซังไมะ□ รโปะ โรย ป โซม ป ปอน ไม่ รอาม อะงุน ไม่ ลอยยส กาวก ละ โม ป อาวต นิง เมือง ซาดอน ไม่ เมือง ไทระ ละ ซ เกือย อี โม เซ โรวก โคะ โซน ซิด่า เกือย อี ฮอยจ ไม่ อี คระ ปลัส รอาม เนอิม นิง เมือง เลปานอน ฮอยจ ย่าง ยัฟฟา□ มัซ ยฺฮู อี ตัม ดวน ไซรัต ป มัซ กซัต ระ เมือง เปอเซย เตะ ยฺฮู□

8 เญือม เอัจ มัซ อี เค ลอา□ ปุก เนอิม ลอา นิง อี□ เคียง ฮอยจ อี นิง เบือง วิฮัน ยฺฮู พะจาว นิง เยรูลาเลม เซ□ เซรูลา เบน ป มัซ กาน เซอันทีเอน ไม่ เยชูลา ป มัซ กาน โยซาตัก เซ มัส ป เลียก โก โรง วิฮัน โคระ เซ□ มัซ ยฺฮู ดี อี ไม่ เอียก ปุ เตะ ไม่ โม ซตุ ไม่ โม เลวี ป เอัจ เอ็ญู เนอิม นิง บ่าบีโลน



ฮอยจ นิง เยรูซาเลม เซ เตือง โอยจ อี□ ปุย มอป โรย โม เลวี ป ไก อาณู อี เคียง ง่า เนอิม ฮาวก ก ล่าวง เกือฮ แปน ป กุมกัน โก ปุย วิฮัน ยุส พะจาว เซ□

9 เยซุอา ไม โม กาน รเมะ อี ไม เอียกปฺ คุระ เมือต อี□ ไม คัดมีเอน ไม โม กาน รเมะ อี ป มัฮ ซหมลวาม โยดำวียา รโจะติ รพวาม แตะ ละ ซ ควป แตะ กัน เซ□ โม เลวี ป มัฮ จัตเจือเฮนาตัด เรอิม โรย อี□

10 เญือม โก ปุย อึง ป มัฮ ทัน วิฮัน ยุส พะจาว เซ โม ซตุไอย เครอึง ซัมคัน ยุส แตะ□ ตย โตวต ยุส แตะ□ โม เลวี ป มัฮ ซหมลวาม อาซป โรวก โรย ซา ไม อี□ โม เซ อาวต ก ลัง อาวต แตะ ละ ซ ลีลาว แตะ พะจาว ตัม ไล ไพรม ยุส แตะตอก ป เอ็จ อัส กซัต ดำวิต อึง โย□

11 โม เซ ลล่อยฮ เชีย ลีลาว พะจาว ไม รพวาม ญันดี แตะนิง□ อัส เอ็จ □ พะจาว มัฮ ป ไมจ□ รพวาม ฮรัก ตอน ฮมัน ยุส อี ละ โม อิซราเอน โก โตว ลอยจ ไม□□ อัส เซ เตือง มู แตะ□ โม ลัปซตอน เตือง โอยจ อี รโอง เรียง ลีลาว พะจาว นิง ยุ อี เอ็จ โก โคะระ แม ปุย ทัน วิฮัน ยุส พะจาว เซ□

12 โม ซตุไม โม เลวี ไม โม ฮัวนา ซหมลวาม ปุย ป เอ็จ กวตๆ นิง อี□ ไม เอ็จ เตือน อี ยุ วิฮัน ไพรม โฆะ เซ□ เญือม แก อี โก ปุย ทัน วิฮัน โคะระ เซ เยือม ฆี อี เรียง□ ปุย ไฮญ บังเมอ รโอง นิง ไมจ มวน รพวาม แตะ□

13 เญืออะ โก โตว ป ยุง ที ป มัฮ เชียง เยือม นิง อี ไม ป มัฮ เชียง มวน รพวาม ฆี ลอยฮ ลอน อี□ เชียง ลอยฮ ปุย โม เซ ปอ เอิน เกียฮ ฮมอง ปุย อี ฮอยจ ก ซไง อี□

## 4

ป เกละยุ โม ยูด่า ไม เปนยามิน

1 โม่ ป เกลละย โม่ ยูด่า โม่ โม่ เบ่นยามิน เซอ ◻ เญือม ฮมอง อี เอ็ญ โม่ ป มัฮ ครา เซอ ◻ โม่ ฮมอง อี เอ็จ กัมลิ่ง ยุส ปุย วิฮัน ละ ซ ทไว อี โอเอ็ฮ ละ เยโฮวา พะจาว ยุส แตะ ตอก เซอ ◻

2 ปุย โม่ เซ โฮว เคะ เซรูบ่าเบ่น โม่ โม่ ป มัฮ ฮัวนา ซหมลาว ม ปุย หมี อี ◻ อัส เอ็ฮ ละ อี ◻ ◻ เกือฮ โรฮ เอะ ยุส ดิ วิฮัน เซ โม่ เปอะ ◻ นิง มัฮ โรฮ เอะ ป ไว พะจาว ยุส โม่ เปะ โรฮ ◻ โม่ เอ็จ ทไว โรฮ โอเอ็ฮ ละ พะจาว เซ โรฮ ◻ เนอิม ซงะ นัม โรง เอ ฮันฮาโด่น กซัต อัดซีเรีย เซ เอะ ฮอยจ นา เอ็ ◻ ◻ อัส เซอ ◻

3 เซรูบ่าเบ่น โม่ เยชูอา โม่ โม่ ฮัวนา ซหมลาวม เซ ปังเมอ อัส อี ละ ปุย โม่ เซ ตอก เอ็ ◻ ◻ โม่ เปะ ไก โดว รโตง เปอะ นิง ซ ยุส แตะ วิฮัน เซ ละ เยโฮวา พะจาว ยุส โม่ อิซราเอน ◻ เอะ ซ ยุส ไอฮ ตัม ลปุง ซตอก กซัต ไชรัต ป มัฮ กซัต ระ ยุส โม่ เปอเซีย เซ ละ แตะ ◻ ◻ อัส เซ ละ อี ◻

4 โม่ ป ติน อาวต นิง เมือง เซ ซาวป ยุส ตอก ซ เกือฮ แตะ โม่ ยูด่า เซ ชุม รพาวม หมี อี ◻ เกือฮ อี ฮลัต ละ ซ เกือฮ อี โอ เอ็อะ โรวต ยุส วิฮัน เซ ◻

5 ปุย โม่ เซ ซาวป โรฮ นุน โม่ คารัตซกัน ยุส แตะ นิง มกี ◻ เกือฮ อี ซาวป ตุสเตฮ กัน ซ ยุส อี ละ ซ เกือฮ กัน ยุส อี เซ โอ เปน ป พวยจ ◻ ไน ตี เจน เปน ไชรัต กซัต ระ เมือง เปอเซีย เซ ฮอยจ ละ เจน เปน ดารีอัต กซัต ระ นิง อี โรฮ ยุส ลอป อี ตอก เซ ◻

6 เญือม เปน โรง อาฮาซุเอรัต กซัต ระ อา ◻ ปุย โม่ เซ ซาวป ฟอง โม่ ป อาวต นิง เมือง ยูด่า โม่ นิง เยรูซาเลม เซ ◻ ไชฮ ออิง รชอม ฟอง แตะ โม่ อี ◻

7 กัง เคะ เอ เจน เปน อาทาเซอซิต เซ กซัต ระ นิง เมือง เปอเซีย เยอ บิตลัม โม่ มิตรัดต โม่ ทาเบเอน โม่ โม่ ป มัฮ โม่ อี ไชฮ รชอม ฟอง แตะ เซ ◻ โฮว ตาว อี ละ กซัต อาทาเซอซิต เซ ◻ รชอม เซ ไชฮ อี เปน ลปุง อาราเมก ◻ เญือม ลาว ปุย อี ไก แม ป มอง เป ละ อี ◻

8 โนก ฮา เซ เรซุม ป มัฮ จาาเมือง เซ ไม ชิมไซ ป มัฮ เลคา  
 ยุส อี มัฮ ป ไซส รชอม ป เกา ไม เวียง เยรูซาเลม □ ตาา อี ละ  
 กซัด อาทาเซอซิต เซ □

9 รชอม เซ อัส อี ตอก เฮ □

เฮี มัฮ ป ไซส เรซุม ป มัฮ จาาเมือง □ ไม ชิมไซ ป มัฮ เลคา  
 ไม โม ปุโฮมา อี □ ไม โม ป รเดีฮ รตุม โอเอีฮ □ ไม โม จาาไน  
 ป มัฮ โม เปอเซีฮ □ โม ป ฮอยจ เนอีม เมือง เอเรก □ เมือง ปา  
 บีโลน □ เมือง ชุซา □ ป มัฮ โม เอลัม □

10 ไม ปุย เมือง ก ไฮญ □ โม เอะ เอ เอีจ มัฮ โม ป โฮลฮ  
 กซัด ซนัปปา ปุย ระ อัมนัด เซ เกือฮ เมาะ อาวต นิง เมือง  
 ซามาเรีย ไม นิง แควน บลัส โกลง ยูพะเรตี ลาง ลัก เลียก  
 ซงะ □

11 รชอม ป ฮวต อัส อี ละ อี มัฮ ตอก เฮ □

โอ กซัด อาทาเซอซิต ป มัฮ กซัด ระ ยุส ฮุ □ โม เอะ ป มัฮ  
 กวางใจ ยุส เปอะ มัฮ โม ป อาวต นิง บลัส โกลง ลาง ลัก เลีย  
 ก ซงะ □

12 ปเลีฮ เฮี ปัว ปะ ป มัฮ กซัด ยุส แตะะ ง่อต แลน □ โม ยิว  
 ป ฮอยจ เนอีม เมือง ไฮญ ป มัฮ ลัก อาวต ปะ เซ □ เอีจ ฮอยจ  
 เคะ เอะ นา เฮี □ เอีจ เลียก อาวต นิง เยรูซาเลม □ ปุย โม เซ  
 กัมลึง ยุส โคระ แม เมือง ฮอก ไล ไม เลฮ อี เตียง เซ □ ปเลีฮ  
 เฮี เอีจ ซ ฟายจ ฮรุง ยุส อี □ เอีจ โก แม โรย ทัน เญื่อะ นิง  
 อี □

13 □ โอ กซัด □ ปเลีฮ เฮี เอะ ปัว รโงะ เกือฮ ปะ ฮมอง ตอก  
 เฮ □ ดัส โม เซ เอีจ ฟายจ ยุส ฮรุง ไม เพรียง แตะะ เวียง เซ □  
 ปุย โตะ เมือง เซ ติน โอ เญาะ ซ ญอม กัส พาซี โอเอีฮ □ เญี  
 อม เซ มวี ลาง ติน ซ รมัฮ ฆวี อี ปุ □

14 เอะ เอีจ โฮลฮ เปิง ฮลอง รอง ซโอว ปะ ป มัฮ กซัด ยุส  
 แตะะ □ โม เอะ ฮวต เกือฮ โตว ปะ แปน ปุย โลจ โญุต เซีฮ  
 ซัก □ มัฮ เซ ป ฮอยจ อู เอะ รชอม เซ ละ ปะ ฆวี อี □

15 ละ ช ปัว ปะ ซาาป แลน กวต นิง นังซี เอ็จ ไชฮ โม จัต เจือ ไพรม เปอะ โอเอ็ฮ นิง เซอ ปะ ช ยู เปอะ นิง นังซี เซ มัฮ ปุย เมือง เฮี ป เลฮ เตียง□ ไม เกือฮ ลอป อี ป กอยจ ป ราม ฮอยจ ละ กซัต ไม โม ป ตัตเตียง ปุย เมือง โม เซ เนอิม เจน โหะ ลั่ง□ โม ลัษต่อน นิง อี กอ บุง ลอน รพาม□ ญัก ลัมเลือ ตัตเตียง□ มัฮ เซ ป โฮลฮ ปุย ยุฮ ไลจ ไม อี ฆี อี□

16 โม อะะ เตือง โออยจ เจอะ ปัว อัส ละ ปะ ป มัฮ กซัต ยุฮ แตะ ตอก เฮี□ ตัส ปุย เอ็จ พวยจ เมาะ โก โคระ แม เมือง เซ ไม เอ็จ ยุฮ อี ฆรง อี เซอ ปะ เญาะ ช โฮลฮ เปอะ ไตว ตัตเตียง บันเมือง ป ไก นิง แควน บลัส โกลง ยูพะเรตี ลวง ลัก เลียก ชงะ เซ ฆี อี□□ อัส เซ ละ อี□

17 กซัต เซ ลเตือฮ โรฮ รโปะ โจตไม ฆี อี ละ โม เซอ รชอม นิง โจตไม เซ มัฮ ตอก เฮี□

ฮอยจ ละ เรฮุม ป มัฮ จาาเมือง เซ ไม ชิมไซ ป มัฮ เลคา ไม โม ปุโฮมา อี เตือง โออยจ อี□ เมาะ ป อาวต นิง ซามาเรีย เซอ□ ไม ป อาวต นิง แควน บลัส โกลง ยูพะเรตี ลวง ลัก เลียก ชงะ เซ□

18 ปเลีย เฮี นังซี รโปะ โม เปะ เซ เอ็จ ไก ป ลาว ไม แปะ อี เนี เกือฮ อี ยุง อี□

19 อี เอ็จ ดาน ปุย โฮว ซาาป แลน ที ฆี อี□ ญืออม เซ อี ยู เนอิม มัฮ อี ป เนอิม□ โหะ ลั่ง ปุย นิง เมือง เขรูซาเลม เฮี มัฮ เนอิม ป เลฮ เตียง กซัต ยุฮ แตะ□ ไม ซาาป อี ยุฮ ป ชุก ซัก ละ อี โฮวาน เจือ□

20 ไพรม อี โโม กซัต ป ตัตเตียง เมือง เขรูซาเลม เซ ระ เนอิม อัมไนต□ โฮลฮ โรฮ ตัตเตียง เมือง ปุย ไฮญ ป อาวต แควน บลัส โกลง ยูพะเรตี ลวง ลัก เลียก ชงะ□ เมือง โโม เซ โฮลฮ ตี โรฮ กัส พาซี โอเอ็ฮ ละ อี□

21 เคียง มัธ อี ตอก เซอ โม เปะ ไมจ เปอะ ดาน โม เซ ลโล่  
ะ ยุส แตะ เมือง เซอ ฮอยจ ละ ฮอยจ แม รชอม โคระ อี ละ  
เปอะ

22 ปุ ชลัษ นิง ไลลาวง เฮ็ อัส เนอิม อัส เนม ละ อี เดอิม  
โอ ซ แปน ป ไลจ โลม ละ กซัต อัส เซ รชอม กซัต เซอ

23 เญือม เอ็จ ฟวยจ ลาว ปุย นังซี รโปะ กซัต อาทาเซอ  
ซัต เซ ซองนา เรสม ไม ซิมไซ ป มัธ เลคา อี ไม โม ปุโฮมา  
อี เซอ ปุย โม เซ โกอฮ โฮว เอิน ทวี อี เคะ โม ยิว นิง เว็ง เยรู  
ซาเลม เซอ บังคัป อี เกือย ลโล่ กัน ยุส แตะ

24 เญือม เซ กัน ยุส ปุย วิฮัน นิง เยรูซาเลม เซ แปน เนอิม  
ลโล่ ทวี อี ฮอยจ ละ ซไม แปน ดารีอัต กซัต ระ นิง เมือง  
เปอเซีย เซ เนอิม ลอาน นิง อี

## 5

### เอมาะ ยุส โคระ แม วิฮัน

1 เจน เซ ไก ป ซิป ลปุง พะจาว ลอาน ปุย ติ อี มัธ ฮักไก  
ติ อี มัธ เซคาริยา กาน อิตโด่ ปุย ลอาน เซ ซิป ลปุง พะจาว  
ละ โม ยิว ป อาวต นิง เมือง ยูดา ไม นิง เยรูซาเลม เซอ เปือ  
มอยฮ พะจาว ยุส โม อิชราเอน

2 ฟวยจ เซ เซรูบ่าเบ่น กาน เซอันทิเอน ไม เยซุอา กาน โย  
ชาตักก เญือม เอ็จ ฮมอง อี ไล เซ เอมาะ โก โคระ เนอิม วิฮัน  
ยุส พะจาว ป ไก นิง เว็ง เยรูซาเลม เซอ ป ซิป ลปุง พะจาว  
ลอาน ปุย เซ อาวต โรฮ นา เซ ละ ซ เรอิม อี ยุส วิฮัน เซ ไม  
อี

3 ใน เวลา เซ หัตเทไน ป มัธ จาวเมือง แควน บลัษ โกลง ยู  
พะเรตี ลวง ลัก เล็ยก ซงะ ไม เซทาโปเซไน ไม โม ปุโฮมา  
ว อี โฮว เคะ โม ยิว เซอ โฮมณู อี ตอก เฮ็ อัส ปุย ป ดาน

โม เปะ ยุษ โคระ แม วิฮัน ไม เมาะ โก โคระ แม เปอะ เตัญ  
อี ตอก เฮี เยอ□□ ฮัฮ เซ□

4 ฟายจ เซ ไสมญ แม อี ตอก เฮี□ □โม ป กัมล้ง โก โคระ  
แม ตีก เฮี มัฮ ปยุ ตึฯ มอยฮ อี□□ ฮัฮ เซ□

5 พะจา ว บังเมอ แลน แก ลอป โม พุหนัม ยุษ โม ยิว เซ□  
เกือฮ โดว ปยุ โม เซ ปุน คัด เวียน อี□ ตี เจน กา ฮมอง กซัต  
ด่าริฮัต ไลลวง เซ□ ไม ตอก โลยฮ อี นังซี โจตไม ยุษ อี เซ□

6 รชอม ไก นิง โจตไม ยุษ ทัดเทไน ป มัฮ จาวเมือง แควน  
บลัฮ โกลง ยูพะเรตี ลวง ลัก เลียก ซะเง เซ□ ไม เซทา□โปเซ  
ไน ไม โม ปุโฮมา อี เมาะ ป อาวต นิง แควน เซ เตือง โอยจ  
อี□ เอ็จ ตาว อี ฮอยจ ละ กซัต ด่าริฮัต เซ□

7 รชอม เซ ฮัฮ อี ตอก เฮี□

โอ กซัต ด่าริฮัต□ ปัว ปะ ไมจ ลอป ป ยุ เคราะ ลอป ป  
ฮมอง□

8 เอะ ปัว รโฮงะ ละ ปะ ป มัฮ กซัต ยุษ แตะ□ เอะ เอ็จ โฮว  
ฮอยจ นิง เมือง ยูดำ□ เอะ เอ็จ โฮลฮ ยุ วิฮัน ยุษ พะจา ป  
ระ เนอิม ไล เซ□ เอ็จ เมาะ โก โคระ แม ปยุ□ ยุษ เตัญ อี นิง  
ซโมะ ซี เลียม ระฯ□ ยุษ โรฮ อี นิง โคะ ไมจฯ□ กัน ยุษ อี เซ  
ไมจ ลัมเลือ เอิน ไม โฮว อี ลักกา แตะ ป ป□

9 เญือม เซ เอะ ไสมญ เญอะ โม พุหนัม ยุษ อี นิง ฆาต ยุง  
แตะ ป ดาน อี ยุษ วิฮัน เซ ไม เตัญ อี□

10 เอะ ไสมญ โรฮ โสะ มอยฮ โม ป ยุษ วิฮัน เซ ละ ซ รโฮ  
งะ โอะ มอยฮ อี เซ ละ ปะ ป มัฮ กซัต ยุษ ฮุ□ ไม ซ โฮลฮ เอะ  
โจต อึง มอยฮ โม ฮัวนา ยุษ อี เซ□

11 ปยุ โม เซ โลยฮ อี ละ เอะ ตอก เฮี□

□เอะ มัฮ ป รชอฮ ละ พะจา กุม ปลัฮเตะ ไม ปลัฮ มะลอง□  
เอะ มัฮ กัมล้ง เมาะ ยุษ โคระ แม เยอะ วิฮัน□ ป มัฮ วิฮัน ป

เอ็ช ยุส กซัต ระ ยุส โม อิศราเอน เก็ช ฟวยจ เนอิม โฆะ ลั้ง  
ติ โสน โส

12 โม จัตเจือ ไพรม อะ โฆะ โอ บังเมอ ยุส โอเอ็ช ควน  
เก็ช อี พะจาว เมือง มะลอง เซ รอก พาวม นัง เตะ ญ็อม  
เซ พะจาว เก็ช เอิน ปุย โม เซ โฮลย อาวต ชมิม อัมนัด เนบู่  
คัตเนซา กซัต เมือง บ่าบีโลน ป มัส โม เคนเต็ย เซ ทวี อี โม  
เซ ยุส โลง ไม วิฮัน เซ โสมวต โรส โรวก ปุย โม เซ เก็ช อี  
โฮว แปน ครา นัง เมือง บ่าบีโลน

13 กัง เคะ เอ ไน เนอิม ติ นัง กัน แปน ไชรัต กซัต นัง  
เมือง บ่าบีโลน เซ กซัต เซ ดวน ปุย เมาะ ยุส โคระ แม วิฮัน  
ยุส พะจาว เซ

14 เมาะ ป มัส เครอึง โกว ปุย นัง วิฮัน เซ ป มัส ป ยุส ปุย  
นัง ไคร นัง มกี ป ตุย กซัต เนบู่คัตเนซา เซ โรวก เนอิม นัง  
เวียง เยรูลาเลม ไม เอ็ญ ละ อี อึง นัง เว็อด นัง เมือง บ่าบี  
โลน เซ โอเอ็ช โม เซ กซัต ไชรัต เอ็จ รแม อี ละ เซตบ่าซา  
ป มัส ปุย เอ็จ เล็อก อี อึง เก็ช แปน จาวเมือง ยุดา เซ

15 กซัต เซ อัส อี ละ เซตบ่าซา เซ ตอก เอ็ ไม้จ เปอะ ตุย  
โรวก โอเอ็ช โม เซ ฮอยจ นัง วิฮัน นัง เวียง เยรูลาเลม เซ  
ฟวยจ เซ ลอด ละ อึง นา เซ ไม้จ เปอะ เมาะ ยุส โคระ แม  
วิฮัน ยุส พะจาว เซ เก็ช อาวต นัง เบ็อง ไพรม อี เซ อัส  
เซ

16 ฟวยจ เซ เซตบ่าซา เซ ฮอยจ โก เนอิม ทัน วิฮัน เซ นัง  
เบ็อง ไพรม อี นัง เยรูลาเลม เซ เนอิม ญ็อม เซ ฮอยจ ละ  
ปเล็ย เอ็ กัน ยุส ปุย วิฮัน เซ ยุส แนส ลั้ง อี บังเมอ โอ ติ  
ฟวยจ

17 เค็ย มัส อี ตอก เซ โอ กซัต ดัส มัส ป ปุก รพาวม  
เปอะ โฮ บัว ปะ เก็ช ปุย ซาวป แลน แลน ป โจต ปุย อึง  
นัง นังซี ยุส เปอะ นัง เมือง บ่าบีโลน เซ ละ ซ ยุง ที เปอะ  
ไลลวง ตอก ดวน กซัต ไชรัต เซ ปุย โฮว ยุส วิฮัน นัง เวียง

เยรูซาเลม เซอ อัม เนอิม อัม โอ เนอิม ฟายจ เซ ปัว ปะ ร  
 โสงะ ละ เอะ ตอก ปุก อี รพาม เปอะ ป เกือฮ เปอะ เอะ ยุฮ  
 เซอ อัส เซ รชอม นังซี เซอ

## 6

นังซี ป ไชฮ กซัต ดารีอัต อริง

1 ญือม เซ กซัต ดารีอัต ดวน เนอิม ปุย ซาป แลน อี นิง  
 ก เกป ปุย นังซี ไพรม นิง เวียง บ่าบีโลน เซอ

2 ปุย ยู เนอิม นังซี ตี ปอ นิง เมือง เอกบ่าทานา ป มัส เมือง  
 นิง จังวัต มิเด็ย นังซี เซ ไกอ ป ไชฮ ปุย อริง นิง ตอก เฮ็อ

3 เฮ็ มัส นังซี รชอม กซัต ไชรัต ป ไชฮ อี อริง เนอิม แปน  
 โรง แตะ กซัต เกว ไม ลาลวง วิฮัน ยุฮ พะจาว นิง เวียง เยรู  
 ซาเลม เซอ กซัต เซ อัส เฮ็

วิฮัน ยุฮ พะจาว นิง เวียง เยรูซาเลม เซ ไมจ ปุย เมาะ โก  
 โคระ แม เอ็จ มัส นา ก ตอง ปุย ทไว โอเอ็ฮ ละ พะจาว โก  
 เกือฮ ฮลาวง ลแหลฮ รนเฮ็ เกือฮ เวือฮ ลแหลฮ รนเฮ็

4 เกือฮ โก ซโมะ นิง อี ลอวย จัน ไม รตา อี นิง โคะ ตี จัน  
 เมาะ โออย อี มวี นิง กัน ยุฮ อี วิฮัน เซอ เกือฮ เบ็ก มวี ยุฮ  
 ลาง ละ อี

5 โอเอ็ฮ ป โกว ปุย นิง วิฮัน นิง เยรูซาเลม เซ เต็อง ไคร  
 เต็อง มวี เมาะ ป เอ็จ ตย กซัต เนบู้คัตเนซา เซ โรวก ฮอยจ  
 นิง เวียง บ่าบีโลน เซอ เกือฮ รแม อี ละ ซ ไฮลฮ ปุย อริง แม  
 นิง เบ็อง ไพรม อี นิง วิฮัน ยุฮ พะจาว นิง เวียง เยรูซาเลม  
 เซอ อัส เซ นังซี เซอ

6 ฟายจ เซ กซัต ดารีอัต ไชฮ นังซี โลยฮ อี ตอก เฮ็ ฮอยจ  
 ละ ทัดเทโน ป ตัดเต็ยง แควน บลัส โกลง ยูพะเรตี ลาง ลัก  
 เล็ยก ซเงะ ไม เซทาโปเซโน ไม โม ปุโฮมา อี ป มัส จาวโน  
 ป อาวต นิง แควน บลัส โกลง ยูพะเรตี เซ เต็อง โออย อี โม  
 เปะ ป เกือฮ ตี เปอะ เกวคอง ซองไซ ไม กัน ยุฮ ปุย โม เซอ



7 ปุตุยเตย มั่งมอ กั้น ซ ยุษ โคระ ปุย วิฮัน ยุษ พะจาว เซ เพื่อฮ เอ็น□ เกือฮ แนฮ โม่ จาวเมือง โม่ ยูดำ ไม่ โม่ ป ระ ป คาว ยุษ โม่ ยิว เซ โฮลย ยุษ ซไป วิฮัน ยุษ พะจาว เซ หนึ่ง เบือ ง ไพรอม อี เมือฮ□

8 โฮฮ ฮา เซ อวี ซตอก ออิง โม่ เปะ ซนัป ซนุน กั้น ยุษ โม่ ป ระ ป คาว ลลึง โม่ ยิว เซ หนึ่ง กั้น ยุษ อี วิฮัน ยุษ พะจาว ตอก เฮือ□

เมาะ โอยจ อี มวี หนึ่ง กั้น ยุษ อี เซ ไมจ เปอะ เบ็ก กัฮ เอ็น ละ อี ปุๆ หนึ่ง มวี ยุษ ลวง□ ป มัฮ มวี โฮลย ปุย เนอิม หนึ่ง กั้น เกป ปุย พาซี โอเอือฮ หนึ่ง แควน บลัฮ โกลง ยูพะเรตี ลวง ลัก เลียก ซเงะ เซ□ ละ ซ เกือฮ กั้น เมาะ ยุษ ปุย วิฮัน เซ โอ ซ มั่งเมืออะ ฑวี อี□

9 โอเอือฮ โฮญ เมาะ ป ตองกัน อี□ ไมจ โรฮ เปอะ เกือฮ ละ อี□ ป มัฮ โม่วก โปก นุม□ แกะ โปก□ ไม่ กวน แกะ ละ ซ ตอง อี ทไ่ว ละ พะจาว เมือง มะลอง□ ไม่ เฮงาะ ซาลี□ กิฮ□ รอาม อะนุณ□ ไม่ ลอยฮ กาวก เมาะ ป จัมเปน โม่ ซตุ หนึ่ง เวียง เยรู ซาเลม เซ ไกอ□ ไมจ เปอะ เกือฮ ละ อี ตัม เซ โครยญ ซเงะ□ ปุ เกือฮ วิต ฮา อี□

10 ละ ซ โฮลย อี ตอง ทไ่ว โอเอือฮ ละ พะจาว เมือง มะลอง ตัม ปุก อี รพาม พะจาว เซ□ ไม่ ซ โฮลย อี ไวออน เพื่อ อวี ป มัฮ กซัต ยุษ อี□ ไม่ โม่ กวน เนอะ เฮือ โรฮ□

11 อวี ฮัฮ โรฮ ออิง ละ เปอะ ตอก เฮือ□ ดัฮ ไก ป โอ ยุษ ตัม ลปุง ซตอก อวี ออิง เฮือ□ ไมจ เปอะ เกือฮ ปุย เญือฮ เญืออะ อี ไม่ เกือฮ เปอะ ปุย ตุย โม่รอยจ โคะ เญืออะ อี เซ เกือฮ ลอม โฮ□ เกือฮ ซโงง ปุย เซ หนึ่ง อี เกือฮ ลล่อน เอ็น□ ไม่ เกือฮ เญืออะ อี เซ เปน นา ก โปวฮ ปุย ครัม รณุฮ□

12 พะจาว มัฮ ป เลือก เยรูซาเลม ละ เกือฮ อี เปน ก ลี ลาว ปุย มอยฮ แต่ะ□ ดัฮ ไก กซัต ญุก□ เมือง ออฮ เมือง เอือฮ

ญักป คัต เวียน โกตไม เอี ละ ซ ยุส แต่ะ ไลจ ไม วิฮัน เอีป  
 ปัว พะจาว เซ ทอด เอิน ไม ยุส โรฮ อี ไลจ ไม เมือง ตัดเตียง  
 อีป อี ป มัส ดารีฮัต เตอ ดาน เนอิม ปุย ยุส ตัม ป ฮัส แต่ะ  
 เซ โครยญ เจือ ฮัส เซ รชอม นังซี เซ

13 ฟวยจ เซ ทัดเทโน ป มัส จาวเมือง แควน บลัฮ โกลง  
 ลวง ลัก เลียก ซงะ เซ ไม เซทาไปเซโน ไม โม ปุโฮมา อี  
 เตือง โอยจ อี ยุส เนอิม อี ตัม ลปุง ดาน กซัต ดารีฮัต เซ ละ  
 แต่ะ ไม รพาวม เนอิม แต่ะ โครยญ เจือ

14 เญือม เซ โม พุนั่ม ยุส โม ยิว เซ ยุส เนอิม วิฮัน ยุส พะ  
 จาว เซ เกือฮ ฟวยจ ปุ ปุ เอัจ มัส ยุส อี ตัม ป ซตอก ฮักไก  
 ป มัส ป ซิป ลปุง พะจาว ไม เซคาริยา กวน อิตโด่ ละ แต่ะ  
 เอัจ ฟวยจ เนอิม ยุส อี ตัม ลปุง ซตอก พะจาว ยุส โม อิชรา  
 เอน เซ ละ อีป ไม ตัม ป ฮัส กซัต ไชรัต ไม ดารีฮัต ไม อา  
 ทาเซอซิต ป มัส กซัต ระ เมือง เปอเซีย อีจ ละ อีป

15 เญือม เอัจ ฟวยจ ยุส ปุย วิฮัน เซ ปุก เญือม ฮาวก เค  
 อาดำ ลอวย ซาวม ปุก เนอิม แลฮ นิง กัน เปน ดารีฮัต เซ  
 กซัต ระ

16 เญือม เซ โม อิชราเอน เตือง โม ซตอ โม เลวี ไม โม ป  
 เอีญ เนอิม เปน แต่ะ ครา ปุย เตือง โอยจ อี เซ ชลอง กัน  
 ทไว แต่ะ วิฮัน เซ ละ พะจาว ไม รพาวม ไมจ มวน แต่ะ

17 นิง กัน ทไว อี วิฮัน ยุส พะจาว เซ ปุย โม เซ โรวก ทไว  
 โมวก โปก ดี รอย ตัว ไม แกะ โปก ลอา รอย ตัว ไม กวน  
 แกะ ปาวน รอย ตัว ป ทไว อี ละ ซ เปน คาน โตฮ โม อิช  
 ราเอน ดี แต่ะ ฮา มัป เตือง โอยจ อี เซ มัส ป โปก กาว โรฮ  
 ลอา ตัว ตัม เซน เจอ โม อิชราเอน

18 ปุย โม เซ เยอ ดุฮ โรฮ โม ซตอ ตัม กัน ลัง ยุส อี เกือฮ  
 โรฮ โม เลวี อาวต นิง เวน ละ ซ รชอฮ อี ละ พะจาว นิง เวียง  
 เอรูซาเลม มัส ยุส อี ตัม ป เอัจ ไชฮ ปุย อีจ นิง โกตไม ยุส  
 ไอ โมเซ โฮ

19 ญีอุม เอ็จ ฮาวก เคิ ตี กาว โรย ปาวน ซาวม โม ป เอ็จ เอ็ญ เนอ็ม โฮว แปน เตะ ครา เซ โยลย โรย ซลอง กัน เลียง ฌาว เซ โรย□

20 โม ซตุ ไม โม เลวี เซ เต็อง โอยจ อี เอ็จ เก็ย ตี เตะ ซงะ ไล ตัม ไล กอ ยุส เตะ□ ญีอุม เซ มอก แกะ ละ ซ ทไว เตะ เน็ง กัน เลียง ฌาว เซ รโตง โม ป เอ็ญ เนอ็ม แปน เตะ ครา เซ เต็อง โอยจ อี□ ไม รโตง โม ป มัซ ซตุ เซ□ ไม รโตง โม โกะ อี โอย โรย□

21 โม อิชราเอน ป เอ็ญ เนอ็ม แปน เตะ ครา เซ□ ไม ปุย ไฮญ ป ญอม เลียก ตี ไม อี□ เมาะ ป เอ็จ ปุน ทอเนาะ อี ตี เตะ ฮา กัน หมอก ยุส ปุย เมือง เซ เต็อง โอยจ อี□ ละ ซ นัปที อี เยโฮวา ป มัซ พะจาว ที โม อิชราเอน เซ□ โยลย โชม ตี ไม ปุ เตะ□

22 ปุย โม เซ ซลอง กัน โชม คโนมปั้ง โอ ไก เจ็อ อาแลย ซงะ ไม รพาวม ไมจ มวน เตะ□ เน็ง เอ็จ เก็ย พะจาว อี โยลย รพาวม ไมจ มวน เตะ ตอก เซ□ ไม เก็ย อี กซัต อัด ซีเรีย เซ เลียก พาวม เน็ง อี□ ปอ เอ็น ปุน เรอ็ม อี ยุส วิฮัน ยุส พะจาว ที โม อิชราเอน เซ ไม อี□

## 7

### เอชรา ฮอยจ เน็ง เวียง เยรูซาเลม

1 ฟายจ เซ แม โฮวน เนอ็ม เมอ□ ญีอุม แปน อาทาเซอ ซิต กซัต เน็ง เมือง เปอเซีย เซ□ ไก ปรเมะ ตี ปุย□ มอยย อี มัซ เอชรา□ มัซ จัตเจ็อ ซตุ อาโรน□ ไลลาวง โม จัตเจ็อ อี มัซ ตอก ฮี□ เอชรา เซ มัซ กวน เซไรอา□ เซไรอา เซ มัซ กวน อาซาริยา□ อาซาริยา เซ มัซ กวน อินคิยา□

2 อินคิยา เซ มัซ กวน ชันลุม□ ชันลุม เซ มัซ กวน ซาโต๊ก□ ซาโต๊ก เซ มัซ กวน อาฮิทุป□

3 อาธิทุป เซ มัฮ กวน อามาริยา◻ อามาริยา เซ มัฮ กวน อา  
ซาริยา◻ อาซาริยา เซ มัฮ กวน เมราโยต◻

4 เมราโยต เซ มัฮ กวน เซราฮิยา◻ เซราฮิยา เซ มัฮ กวน  
อุตซี◻ อุตซี เซ มัฮ กวน บุกคี◻

5 บุกคี เซ มัฮ กวน อาบีซวา◻ อาบีซวา เซ มัฮ กวน ฟิเนฮัด◻  
ฟิเนฮัด เซ มัฮ กวน เอเลอาซา◻ เอเลอาซา เซ มัฮ กวน อา  
โรน ป มัฮ ฮัวนา ซตุ เซ◻

6 เอชรา เซ มัฮ ปุย ฮาก เนอิม นิง เวียง บ่าบีโลน◻ มัฮ  
คู เพอิก พะทัม◻ มัฮ ปุย ยุง ไลลวง โกตไม ยุส ไอ โมเซ◻ ป  
มัฮ โกตไม เกือฮ เยโฮวา พะจาว ที โม อิชราเอน ละ อี เซ◻  
กซัด เซ เกือฮ ไอเอ็ฮ ละ อี ตัม ป ปัว อี โครยญู เจือ◻ มัฮ เบือ  
อาวต อัมนัด เยโฮวา พะจาว ที อี ไม อี ไม กุนมุ่น ยุส อี◻

7 ไก โม อิชราเอน งอน◻ มัฮ จัตเจือ โม ซตุ◻ โม เลวี◻ โม  
นั๊ก โตนตรี◻ โม ป มอง โตะ รเวือะ◻ ไม โม จัตเจือ ป รชอฮ  
นิง วิฮัน เซ◻ ปุย โม เซ ฮาก ดี ไม เอชรา เนอิม นิง บ่าบี  
โลน◻ ละ ซ เอ็ญู แตะ ฮอยจ นิง เวียง เยรูซาเลม◻ ปุก เนอิม  
อาแลฮ นิง กัน แปน อาทาเซอซิต กซัด เซ◻

8 เญือม ฮอยจ อี นิง เวียง เยรูซาเลม เมอ◻ ปุก เค พอน ใน  
เนอิม อาแลฮ ยุส กซัด เซ◻

9 เญือม โอก โรง อี ฮา เวียง บ่าบีโลน เนอ◻ ปุก ฮาก เค ดี  
เซ ดี ซาม◻ เญือม เอ็จ ฮอยจ อี นิง เวียง เยรูซาเลม เซ ปุก  
ฮาก เค พอน เซ ดี ซาม◻ มัฮ เบือ อาวต อัมนัด พะจาว ไม  
กุนมุ่น ยุส อี ไม อี◻

10 เอชรา เซ เอ็จ โปวต รพาวม แตะ ละ ซ เอ็ยุน แตะ ไล  
ลวง โกตไม ยุส พะจาว เซ◻ ไม ยุส เนอิม อี ตัม เซ◻ ไม เพอิก  
โรฮ อี โกตไม เซ ละ โม อิชราเอน เซ โรฮ◻

โจตไม เกือฮ กซัด อาทาเซอซิต ละ เอชรา

11 เค็ยง เฮ็ โสว มัฮ ไลลวง รชอม ป ไก นิง โจตไม ป เกือฮ  
กซัด อาทาเซอซิต ละ เอชรา ป มัฮ ซตุ เซ◻ ไม มัฮ อี คู เพ

อีก พระหัมมิไม่ มัษ โรส อี ป ยุง เนอิม ไลลวง โกตไม ยุส พระจาว ป เกือส อี ละ โม อิศราเอน เซอ รัชอม โจตไม เซ อ้อ อี ตอก เฮอ

12 รัชอยจ เนอิม กษัต อาทาเซอชิต ป มัษ กษัต ระ รัชอยจ ละ เอซรา ป มัษ ชตุ ไม้ มัษ อี คู เพออีก พระหัมมิไม่ ยุง เนอิม อี ไลลวง โกตไม ยุส พระจาว เมือง มะลอง เซอ

13 ออ โปง รัชอม แตะ ละ โม อิศราเอน ตอก เฮอ ไม้ ป มัษ ชตุ ไม้ เลวี ไม้ ปยุ ไฮญ นิง อี เมาะ ป อาวต นิง นาตี เคียง ก ตัดเตียง ออ อี ดัส โก ป โก รัชพาวม ฆวต เอิญ ไม้ เปอะ รัชอยจ นิง เวียง เยรูซาเลม เมอ เกือส เอิญ ไม้ เปอะ เมือ

14 ออ ป มัษ กษัต ระ ไม้ โม ป มัษ ปุ ชิงซา เยอะ โอเอือ ไม้ เตือง อาแลส ปยุ อี เอ็จ มัษ เกือส ปะ โฮว ไฮมญ แลน ปยุ นิง เยรูซาเลม ไม้ โม ยุดา เซอ ปยุ โม เซ อัม ยุส เนอิม อี ตัม โกตไม ยุส พระจาว ป เอ็จ มอป พระจาว ออิง ละ เปอะ เซอ อัม โอ ยุส อี

15 เกือส โรส ปะ โรวก ไม้ มกี ไคร ป ทไว ออ ไม้ โม ป มัษ ปุ ชิงซา ยุส ฮู เซอ ไม้ เตม รัชพาวม แตะ นิง เอ็จ มัษ ป ทไว ละ พระจาว ที โม อิศราเอน ป อาวต นิง เวียง เยรูซาเลม เซอ

16 เกือส โรส ปะ โรวก ไม้ ไคร มกี ป โฮลส เปอะ เกป เลือ แควน เวียง บ่าบีโลน ไม้ โอเอือ ทไว โม ลัพชต่อน ไม้ โม ชตุ เซ ไม้ เตม รัชพาวม แตะ นิง ป มัษ ป ทไว อี ละ วิฮัน ยุส พระจาว ยุส แตะ นิง เวียง เยรูซาเลม

17 ปะ ไม้จ เปอะ ใจ มกี เซ ละ ชู รวี แตะ โมวก โปกก แกะ โปกก ไม้ กวน แกะ ไม้ เฮงาะ รโกะ ไม้ รัชอาม อะงุน ละ ช ทไว เปอะ นิง คัน ทไว ป โก นิง วิฮัน ยุส พระจาว ยุส เปอะ นิง เวียง เยรูซาเลม เซอ

18 ป มัษ ไคร มกี ป โฮส ลั้ง อี เซอ ปะ ไม้ โม เอือกป เปอะ ไน โม ยิว เตอิม ตอก แกต เปอะ โชมกวน ไม้จ โกว ดัส แนฮ เปอะ เอ็จ โกว ตัม ปุก อี รัชพาวม พระจาว ยุส แตะ

19 เครอิง โกว ปุย ญืออม รชอย แตะ ละ พะจาว 닝 วิฮัน ป เอ็จ มอป อี ละ เปอะ เซอ ปะ ไมจ ไรฮ เปอะ มอป ทไว ซอง นา พะจาว 닝 เวียง เยรูซาเลม เซ ไรฮ

20 โอเอฮี เมาะ ป จัมเปน ลั่ง เปอะ รัว ละ วิฮัน ยุฮ พะจาว ยุฮ แตะ เซอ ไมจ เปอะ โกว มกี ยุฮ ลาง ละ

21 อี ป มัส กซัต อาทาเซอซิด เตอ อี เอ็จ ซตอก อริง ละ ป มัส ไน คลั่ง ป อาวต 닝 แควน บลัส โกลง ยูพะเรตี ลาง ลัก เลียก ซงะ เซ ตอก เฮี โอเอฮี เมาะ ป ตองกัน เอซรา ป มัส ซตุ เซ ไม มัส อี คู เพอิก พะทัม โกตไม ยุฮ พะจาว เมือง มะลอง เซอ ไมจ เปอะ เกือฮ ละ อี ไม รพาวม เนอิม แตะ

22 ไมจ เปอะ เกือฮ มกี ละ ตัม เมาะ ปัว อี เมื่อน เตอ โอ เกิน ฮา ตี รอย ตะลัน ไม เฮงาะ ซาลี ปุ ไรฮ เกือฮ ละ อี เกิน ฮา ตี เปื่อน ไปล ลอรา รอย ทั่ง รอวาม อะงุน ปุ ไรฮ เกือฮ ละ อี เกิน ฮา 2,200 ลิต ลอยฮ กาวก ปุ ไรฮ เกือฮ ละ อี เกิน ฮา 2,200 ลิต กิฮ เตอิม เมาะ ปัว อี เกือฮ ละ อี

23 โอเอฮี เมาะ ป ซตอก พะจาว เมือง มะลอง ปุย เกือฮ ละ ซ โกว ปุย อี 닝 วิฮัน ยุฮ อี เซอ ไมจ เปอะ เกือฮ เตม เมาะ ฮัส อี เซอ เตอิม พะจาว เซ โอ ซ ฮาวก รพาวม ละ ปุย 닝 บัน เมือง ยุฮ อี เฮี ไม โม กาน เนอะ เซ ไรฮ

24 อี ฮัส ไรฮ ละ เปอะ ตอก เฮี ปุ เกป พาซี โอเอฮี 닝 โม ซตุ ไม โม เลวี โม นัก โดนต์รี โม ป มอง ญัม ไม โม ป รชอย 닝 วิฮัน เซอ ไม โม ป ยุฮ กัน เมาะ ป เกว ไม วิฮัน ยุฮ พะจาว เซอ ปุ เกป 닝 อี ตี ตี เนอิม

25 ปะ ป มัส เอซรา เยอ ไมจ เปอะ ดุซ โม ป ตัตเตียง ปุย ไม โม ป รเตฮ รตุม โอเอฮี ละ ปุย ตัม ซติ พันญา เกือฮ พะจาว ละ เปอะ ละ ซ เปน อี ป ตัตเตียง ปุย ป อาวต อี 닝 แควน บลัส โกลง ยูพะเรตี ลาง ลัก เลียก ซงะ เซ เตือง โอยจ อี ไมจ เปอะ โอฮ โม ป ยุง ไลลาง โกตไม ยุฮ พะจาว ยุฮ

เปอะ นิง อี□ โม ป โอ ดิ ยุง โกตไม เซ ไมจ โรส เปอะ เพอิก  
 เกือส ยุง อี□

26 ดัฮ ไก ปุย ออฮ ปุย เอือส ญุก ป โอ ยุส ตัม ลปุง ซตอก  
 พะจาว ยุส เปอะ□ ไม โกตไม ยุส กซัต เซ□ ไมจ เปอะ เกือส  
 ลอก กัน รเตือส ไม เกือส เปอะ ลอก ตุต แต่ะ□ ปึง มัฮ ตุต  
 ฮอยจ ละ ยุม ญุก□ ปึง มัฮ โครฮ อี เกือส ตอ ลอป ฮา เมือง  
 อาวต อี ญุก□ โต เซ เกือส ปุย คัง นิง คอก□ โต เซ เกือส ปุย  
 ตย โอยจ คาวคอง อี□□ อัส เซ โจตไม ยุส กซัต เซ□

27 เอซรา อัส เฮือ□□ ปัว ลีลาว มอยฮ เยโฮวา ป มัฮ พะจาว ที  
 โม จัตเจือ ไพรม อะ เซ□ นิง เอือจ เกียฮ โบว อี รพาวม กซัต  
 เซ□ ละ ซ เกือส อี กซัต เซ เกียฮ รโพ โรส กัน ยุส ปุย วิฮัน  
 ยุส พะจาว นิง เวียง เยรูซาเลม เกือส ไมจ เกือส ซอม ตอก  
 เซ□

28 พะจาว เซ เอือจ เปลือส รพาวม ฮรัก ตอน ฮมัน ยุส แต่ะ  
 ละ อี□ เอือจ เกือส โรส อี□ แปน ปุย ปุก รพาวม กซัต เซ ไม  
 ป มัฮ ทีปึกซา ยุส อี□ ไม โม จาวไน ป ไก อัมนัด ป รชอฮ ละ  
 กซัต เซ โครฮญู โฆะ อี□ อี□ โฮลฮ เนอิม รพาวม กา แต่ะ เบือ  
 อี□ นิง อาวต อัมนัด เยโฮวา พะจาว ยุส ฮู□ ไม กุนมุน ยุส อี□ ไม  
 เยอะ□ อี□ เอือจ โฮลฮ เนอิม รโอะ ปุย ป มัฮ โม ฮัวนา ซมลลาว  
 ม ยุส โม อีชราเอน เซ ละ ซ เกือส ฮะ โฮลฮ เอือญู อาวต แม  
 นิง เมือง แต่ะ ไม อี□ โรส□□ อัส เซ□

## 8

โม ป เอือญู อาวต แม นิง เมือง แต่ะ

1 มอยฮ ปุย โม เฮือ มัฮ มอยฮ โม ฮัวนา ซมลลาวม ยุส โม อีช  
 ราเอน ป เอือญู ไม เอซรา เนอิม นิง เวียง บ่าบีโลน□ เจน แปน  
 อาทาเซอซิต กซัต เซ□ มอยฮ โม เซ มัส ตอก เฮือ□

2 เนอิม จัตเจือ ฟิเนฮัต มัฮ เกอโฮม□

เนอีม จัตเจือ อิทามา มัส ด่านีเอน□

เนอีม จัตเจือ ด่าวิต มัส ฮัตทัต□

3 เนอีม จัตเจือ เซคานียา ป มัส ซมลาวม โม ปาโรต นิง อี  
มัส เซคาริยา□ ไม โม ปรเมะ นิง อี ป เอ็จ โจต ปุย มอยฮ อี  
นิง บันซี เซ ไก ตี รอย ไม รฮอน ปุย□

4 เนอีม จัตเจือ ปาสต□โมอัป มัส เอลีไน กวน เซราฮิยา□  
ป ฮอยจ ไม อี มัส ปรเมะ ลอว รอย ปุย□

5 เนอีม จัตเจือ ซัตทุ มัส เซคานียา กวน ยาฮาซีเอน□ ป  
ฮอยจ ไม อี มัส ปรเมะ ลอว รอย ปุย□

6 เนอีม จัตเจือ อาดั้น มัส เอเบต กวน โยนาทัน□ ป ฮอยจ  
ไม อี มัส ปรเมะ รฮอน ปุย□

7 เนอีม จัตเจือ เอลัม มัส เยชายา กวน อาทาลิยา□ ป ฮอยจ  
ไม อี เซ ไก ปรเมะ นิง อาลแหลส ปุย□

8 เนอีม จัตเจือ เซฟาธิยา มัส เซบาดียา กวน มีคาเอน□ ป  
ฮอยจ ไม อี เซ มัส ปรเมะ รเตะ ปุย□

9 เนอีม จัตเจือ โยอัป มัส โอบาดี กวน เยฮีเอน□ ป ฮอยจ  
ไม อี เซ ไก ปรเมะ นิง ลอว รอย ไม กาว โรส ซเตะ ปุย□

10 เนอีม จัตเจือ บานี มัส เซโลมิต กวน โยชิฟิยา□ ป ฮอยจ  
ไม อี เซ ไก ปรเมะ นิง ตี รอย ไม ลแหลส ปุย□

11 เนอีม จัตเจือ เบไป มัส เซคาริยา กวน เบไป□ ป ฮอยจ  
ไม อี เซ ไก ปรเมะ นิง ง่า โรส ซเตะ ปุย□

12 เนอีม จัตเจือ อัดกัต มัส โยฮานัน กวน ฮักคาทัน□ ป  
ฮอยจ ไม อี เซ ไก ปรเมะ นิง ตี รอย ไม กาว ปุย□

13 เนอีม จัตเจือ อาโดนี่คัม ไก โม ป ฮอยจ รเคะ นิง□ เฮี  
มัส มอยฮ ปุย เซ□ มัส เอลีเฟเลต□ เยอูเอน ไม เซไมยา□ ป  
ฮอยจ ไม อี เซ ไก ปรเมะ นิง ลแหลส ปุย□

14 เนอีม จัตเจือ บีกไว มัส อุไท ไม ซักเคอ□ ป ฮอยจ ไม  
ปุย ลอว เซ ไก ปรเมะ นิง อาลแหลส ปุย□



15 อวี เอ็จ รโจะ ปยุ โม เซ เกือฮ อาวต นิง เขียง รอวม เวียง คี ป ปัด เลือ ลัก ย่าง อาสะวา □ เอะ ยุส ไคะ อาวต ตะนะ นา เซ ลอวย ซงะ □ เญือม ซาวป อวี แลน โม ลัษต่อน ไม่ โม ซตุ เซ □ อวี ยู ไทว จัตเจือ โม เลวี นา เซ ดี ดี เนอิม □

16 ฟวยจ เซ อวี เกือฮ ปยุ โฮว กอก เอลิเยเซ □ อาริเอน □ เซไมยา □ เอนนาทัน □ ยาริป □ เอนนาทัน □ นาทัน □ เซคาริยา ไม่ เมซูลัม □ โม ป มัฮ ฮันนา ปยุ □ ไม่ เกือฮ ซาวป กอก โยยา रिป ไม่ เอนนาทัน ป มัฮ ปยุ ไม่จ พันญา □

17 อวี ดวน ปยุ โม เซ โฮว เคะ อิตโต่ ป มัฮ ป ระ ป คาว นิง ย่าง คาซิเพีย □ คระ เมือต ปยุ เซ มัฮ ป ยุส กัน นิง วิฮัน ไพรม อี □ มัฮ ปัว เยอะ โม เซ เกือฮ ตาว ปยุ เกือฮ โฮว ไม่ เอะ ละ ซ รชอฮ อี นิง วิฮัน ยุส พะจาว ที เอะ □

18 เญือม เซ อัมนัด พะจาว ไม่ กุนมุน ยุส อี อาวต ไม่ เอะ □ ปยุ โม เซ ตาว เนอิม ปยุ ป ไก เนอิม ป ยุ ป ยุง ไม่ ที รพวม ตะะ ฮอยจ ละ เอะ □ มอยฮ อี มัฮ เซเรบิยา □ มัฮ จัตเจือ โม มาลี กวน เลวี เซ □ เซเรบิยา ไม่ กวน รมะะ อี ไม่ โม เอียกปุ คระ เมือต อี □ รโจะ เตือง โออยจ อี แปน กาว โรส ซตะะ ปยุ □

19 ปยุ โม เซ ตาว โรส ฮาซาบิยา ไม่ เขชายา ไม่ โม เอียก ปุ คระ เมือต อี ไม่ โม กวน อี รโจะ แปน ง่า ปยุ □ ปยุ โม เซ เยอ มัฮ จัตเจือ เมรารี □

20 โนก ฮา ปยุ โม เซ เยอ □ ไก แม ลอว รอย ไม่ ง่า ปยุ ป ลัง รชอฮ นิง วิฮัน เซ □ เอ็จ มัฮ ดี จัตเจือ โม ป โจต ต่าวิต ออิง มอยฮ อี ละ ซ เรอิม อี โม เลวี นิง วิฮัน เซ □

เอซรา เกือฮ ปยุ เออิป ป โชม ตะะ ละ ซ ไวออน ตะะ

21 เญือม เซ อวี ครอฮ ละ ปยุ ดวน ปยุ เออิป ป โชม ป ปอน ตะะ □ นิง โบ รอวม เวียง คี อาสะวา เซ □ ละ ซ โสลฮ เอะ เร็จ ดี ตะะ เตียม ซองนา พะจาว ยุส ตะะ □ ละ ซ ปัว พะจาว นัม คระ นัม โครง ละ ตะะ นิง กัน เอ็ญ เอะ นิง เมือง ตะะ □ มัฮ

โรธ ละ ซ ปัว พะจาา โชะโกะ ฮรักรา นิง โม กาน เฉือต  
แตะ□ ไม คาวคอง เงอะ เตือง โอยจ อี้□

22 ด้อย อี้ ซ ปัว โม ตฮัน บุก บรอง นิง กซัต ละ ซ เกือฮ  
แปน ป เฉือญ เอะ นิง คะระ เอือญ เญอะ เซ อี้ โชะกิง โรธ ฃี้□  
นิง เอือจ อ้อย อี้ อี้ ละ กซัต เซ ตอก เฮือ□ □อัมไนต พะจาา ไม  
กุนมนุ ยุฮ อี้ เอือจ อาวต ไม โม ป อึง รพาวม แตะ นิง อี้□ ละ  
โม ป ละ ปาวฮ แตะ เซ□ พะจาา ปิงเมอ ซ เกือฮ อี้ ลอก ตุด  
แตะ□□ อี้ เอือจ อ้อย ตอก เซ□

23 เอะ เอือป เนอิม ป โชม ป ปอน แตะ ฃี้ อี้ ละ ซ ไวออน  
ปัว พะจาา ยุฮ แตะ เรอิม แตะ นิง ไลลวง เฮือ□ เญือม เซ พะ  
จาา เอือจ โลยฮ เนอิม รชอม ไวออน เอะ เซ□

24 ฟายจ เซ อี้ เลือก อึง โม ซตุ ระ กาว โรธ ลอา ปุย□  
มัย เซเรบียา ไม ฮาซาบียา□ ไม โม ซตุ ไฮญ นิง อี้ แม กาว  
ปุย□

25 เญือม เซ อี้ แฆ ไคร มี่ ไม เครอึง โกว ปุย□ โอเอือฮ โม  
เซ มัย ป ทไว โม กซัต ไม โม ป ชิงซา อี้ โอเอือฮ□ ไม จาาไน  
ป รชอฮ ละ อี้□ ไม โม อิชราเอน เตือง โอยจ อี้□ เอือจ มัย ละ  
ซ โกว อี้ ละ วิฮัน ยุฮ พะจาา ป ที เอะ เซ□ โอเอือฮ โม เซ อี้  
เอือจ มอป ละ โม ซตุ เซ□

26 ป แฆ อี้ มอป ละ อี้ เซ มัย มี่ โกว 650 ตะลัน□ มัย เคร  
อึง โกว ปุย ป ยุฮ ปุย นิง มี่ 100 ตะลัน\* มัย แม ไคร นัมนัก  
100 ตะลัน□

27 มัย ซโลวง ไคร ง่า โม่ว นัมนัก 1,000 เทป□ มัย แม  
ซโลวง ไโร ซเงิ ญี ปุย เกือฮ ตอฮ ลอา โม่ว□ งวยฮ อี้ เมาะ  
โรธ งวยฮ ซโลวง ไคร เซ□

28 ฟายจ เซ อี้ อ้อย ละ ปุย โม เซ ตอก เฮือ□ □โม เปะ เตือง  
โอยจ เปอะ เอือจ มัย เปอะ ปุย ซัมคัน นิง เอือจ ทไว ปุย เปอะ  
ละ พะจาา. เครอึง โกว ปุย ไม ไคร มี่ นิง อี้ เอือจ มัย ตี โรธ

\* 8:26 8:26 มี่ ตี ตะลัน โกว นัมนัก ต่า งวย โรธ ปาวาน กิโลกรัม□

ป ชัมคัน นิง มัฮ อี ป ทไว ปยุ ไม้ เตม รพาวม แตะ ละ เยโฮ  
 วา พะจาว ที โม จัตเจือ ไพรม โม เปะ เซ□

29 ไมจ เปอะ โชะโกะ ฮรักขา นิง โอเอฮือ โม เซ ฮอยจ ละ  
 ฮอยจ เปอะ นิง วิฮัน ยุส พะจาว เซ□ ดัส เปอะ เอ็จ ฮอยจ นา  
 เซ ไมจ เปอะ เลียก แหม นิง โตะ ฮอง อาวต โม ชตุ เซ□ ฟวยจ  
 เซ ไมจ เปอะ มอป ละ โม ฮัวนา ชตุ ไม้ โม เลวี ไม้ โม ฮัวนา  
 ชหมลวาม ยุส โม อิชราเอน ป อาวต นิง เวียง เยรูซาเลม เซ เตี  
 อด โอยจ อี□□ อัส เซ ละ□

30 โม ชตุ ไม้ โม เลวี เซ โชะโกะ ฮรักขา เนอิม นิง ไคร มวี  
 ไม้ เครอึง โกว ปยุ ป เอ็จ แหม ปยุ ละ แตะ เซ□ ละ ช โรวก อี  
 ฮอยจ นิง วิฮัน ยุส พะจาว ป ไก นิง เวียง เยรูซาเลม เซ□

31 เญือม เซ เอะ โอก โฮว เนอิม นิง โป รวาม เวียง คี อา  
 ฮะวา เซ□ ละ ช โฮว เยอะ ฮอยจ นิง เวียง เยรูซาเลม□ อัมนัด  
 พะจาว ไม้ กุนมุ่น ยุส อี เอ็จ อาวต ไม้ เอะ□ เสิญู เอะ เกือฮ  
 โปน ฮา ป ฮวต รูป ไม้ เยอะ□ ไม้ โม คะมุย มอง ชะ เต เยอะ  
 นิง คระ เซ□ เญือม โอก เอะ ฮา นา เซ ปุก ฮาวก เคี ตี กาว  
 โรฮ ลอา ซวาม□

32 เญือม เอ็จ ฮอยจ เอะ นิง เวียง เยรูซาเลม เซ□ ลอด เอิน  
 ลโล๊ะ นา เซ ลอวย ชงะ□

33 ชงะ ปวาน นิง อี เอะ โฮว ฮอยจ นิง วิฮัน ยุส พะจาว  
 เซ□ เอะ แหม ไคร มวี ไม้ เครอึง โกว ปยุ นิง วิฮัน เซ□ ฟวยจ  
 เซ มอป ละ เมเรโมต กวน อูริยา ป มัส ชตุ□ ไม้ โม ป อาวต  
 ไม้ อี□ ป มัส เอเลอาซา กวน ฟิเนฮัต ไม้ โม เลวี ลอา ปยุ ป  
 มัส โยซาบัต กวน เขชวาว□ ไม้ โนฮัตยา กวน บินนุยก□

34 ปยุ โม เซ เมญู เมาะ ไก อี□ แหม แม โรฮ เมาะ นัมหนัก โอ  
 เอือ โม เซ ไม้ โจต อี อึง นิง นังซี ยุส แตะ โครยญู เจือ□

35 เญือม เซ เมาะ ป เอญู เนอิม โฮว แปน แตะ ครา นิง  
 เมือง ปยุ เซ□ โรวก ตอง ทไว โอเอฮือ ละ พะจาว ที โม อิชรา

เอน□ มัษ โมวก โปก กาว โรธ ลอา ตัว รโตง โม อิชราเอน เตี  
อง โอยจ อี□ มัษ แกะ โปก รโตม โรธ แลธ ตัว□ มัษ แม กวน  
แกะ อาลแหลธ โรธ อาแลธ ตัว□ ไม่ ปิ โปก กาว โรธ ลอา ตัว  
ละ ช แปน อี ควน โตธ อี ตี แต่ะ ฮา มัป□ โอเอีฮ โม เซ โค  
รยญ เลือ มัษ ตี ป ตอง อี ทไว ละ พะจาา.

36 ปุย โม เซ โรวก นังซี รชอม กซัต เซ□ เกือฮ อี ละ โม  
กวนใจ โกะ อี□ ไม่ โม จาวเมือง ป อาวต แควน บลัษ โกลง ยู  
พะเรตี ลวง ลัก เลียก ชงะ เซ□ ปุย โม เซ ลอด แปน ป เรอิม  
รโพ โม ลัษต่อน เซ นิง กัน ป เกว ไม่ วิฮัน ยุช พะจาา เซ□

## 9

### รชอม ไวออน เอซรา

1 กังคะ เอ□ ไก โม ฮันา ไน โม อิชราเอน ง่อน ฮอยจ อัส  
เฮี ละ อวี□ □โม ลัษต่อน ไน โม อิชราเอน□ ไม่ โม ชตุ□ ไม่  
โม เลวี□ ปุน ทอเนาะ โตว ตี แต่ะ ฮา โม ป อาวต นิง เมือง  
รวิต รเวียง แต่ะ เซ□ เอ็จ ลเลียก รไม่ ไม่ กัน หมอก กัน เบร  
ยุช อี□ ปุย โม เซ มัษ โม คะนาอัน□ โม อัมโมน□ โม โมอัป□  
โม อีฮิป□ ไม่ โม ฮิตไท□ โม เปริซี□ โม เยบุด□ ไม่ โม อาโมไร  
เซ□

2 โม อิชราเอน เนอ□ เอ็จ ไอธ โรธ ปรโปวาน โม เซ แปน  
ปรโปวาน เญื่อะ แต่ะ ง่อน□ เอ็จ เกือฮ โรธ กวน รมะะ แต่ะ  
ไอธ อี ง่อน□ เคียง เซ ป มัษ ปุย ชงะ ชงอม ยุช พะจาา เอ็จ  
แปน เนอิม ปุย รไม่ รรมีก ไม่ ปุย ไฮญ ฆวี อี□ ป ระ พิต ฮา  
ปุย ไฮญ นิง อี มัษ เอิน โม ฮันา นิง อี□ ไม่ โม ป ตัดเตียง  
เมือง เซ□ ป ยุช กัน หมอก ตอก เซ เยอ□□ อัส เซ เน□

3 เญื่อม ฮมอง อวี โอเอีฮ ตอก เซ□ อวี แจธ เอิน ลปี แต่ะ  
ฆวี เตืออง ลปี ฮอป แต่ะ□ รอยจ แม โรธ ฮีก ไกญ ฮีก กัป  
แต่ะ□ เญื่อฮ เอิน งาวม ฆวี ไลจ รพาวม แต่ะ□

4 อวี งามม ไม่ ตุก รพาวม แตะ นา เซ ฮอยจ ละ เติง เวลา ตอง ปุข ทไว โอเอ็ช เมื่อ กปุ อี้ โม่ ลัษด่อน ป ฮอ นิง โอ แตะ ช ปุก รพาวม พะจาว ยุส โม่ อิชราเอน เซอ ฮอยจ โพรม ดิ ษกี อี้ ไม่ ปุ แตะ ของนา อวี นิง เอ็จ สมอง อี้ ยุส โม่ ป เอ็ญ เนอิม แปน แตะ ครา เซ ป พิต ป โม่วะ ละ พะจาว ตอก เซอ

5 ญืออม เอ็จ เติง เวลา ตอง ปุข ทไว โอเอ็ช ละ พะจาว เมื่อ กปุ อี้ เซอ อวี โกษ เนอิม ก งามม แตะ ษกี รพาวม ตุก แตะ เซอ จาวป ลั่ง เครอึง เซออีก แฉย แตะ เซอ ชุง นิง มะฆราวาง แตะ ยวก เตะ แตะ ละ เยโฮวา ป มัษ พะจาว ยุส แตะ

6 อวี ไวออน ปัว นิง พะจาว ตอก เอ็อ โโอ พะจาว ยุส อวี อวี โชะกิง ลัมเลื่อ เอิน นิง ช เลียก แตะ เคะ ปะ อวี ญูาะ โรวต โตว งัน แลน ปะ ป มัษ พะจาว ยุส แตะ นิง เอ็จ โฮวน ลัมเลื่อ มัป พิต ยุส โม่ เอะ ละ เปอะ เอ็จ ฮลาวง เอิน ฮา ไกญ ญูอะ พิต โม่วะ ยุส เอะ เซ เอ็จ รชุก เอิน เบรียง ไม่ มะลอง เอิน

7 โม่ เอะ เต็อง โออยจ เจอะ เอ็จ โฮวน เนอิม มัป พิต ยุส ษุ เนอิม เจน โม่ จัตเจือ ไพรม เมอะ ฮอยจ ละ ปเล็ย เอ็อ มัป พิต ยุส เอะ เซ เอ็จ เกือช เนอิม เอะ โฮลย อาวต ษริม อัมนัด กซัต เมือง โฮญ เซอ เต็อง กซัต ยุส ษุ ไม่ โม่ ชตุ ยุส ษุ โม่ เอะ เอ็จ โฮลย ปุข ยุส ยุม ไม่ เยอะ เอ็จ ชะ เต ปุข เยอะ เอ็จ โฮลย แปน ครา ปุข เอ็จ โฮลย โอด โชะกิง ปญู ไร้ แตะ ตอก เอ็จ โฮลย โชะ รัป ฮอยจ ละ ปเล็ย เอ็อ

8 โโอ เยโฮวา ป มัษ พะจาว ยุส ษุ ปเล็ย เอ็ ปะ ปังเมอ เอ็จ เปลีส โรช เปอะ รพาวม ษรัก แตะ ไม่ กัน เลียก พาวม เปอะ นิง เอะ ตา ตี วัง โรช เอ็จ ปุน เกือช เปอะ ปุข ใน โม่ เอะ โฮลย โปน ฮา แปน แตะ ครา ง่อน ไม่ โฮลย เยอะ เอ็ญ

อาวต ไมจ อาวต มาน นิง นาตี ชัมคัน ยุส เปอะ เฮ็ เอ็จ  
 เกือส เปอะ เอะ โสลส รพาวม บวยส บึง แต่ะ

9 โม่ เอะ เอ็จ โสลส เนอิม แปน ครา ปุย ปะ ปังเมอ เอ็จ  
 เรอิม เปอะ เอะ เกือส เบลือส ฮา แปน แต่ะ ครา ปุย เอ็จ  
 เกือส เปอะ เอะ โสลส รพาวม บวยส บึง แต่ะ ไม่ เกือส  
 เปอะ โม่ เอะ แปน ปุย ปุก รพาวม กซัด ยุส โม่ เปอเซีย เซอ  
 ปอ เอ็น ปุน ญอม อี เรอิม เมาะะ ยุส วิสัน ยุส พะจาว ที เอะ  
 ป เอ็จ ญือส เอ็จ ไลจ เซอ เกือส แม อี แปน ป ตอน ป ฮมัน  
 ไม่ เกือส เปอะ โม่ เอะ โสลส อาวต ไมจ อาวต มาน นิง เมือง  
 ยุด่า ไม่ นิง เยรูลาเลม เฮ็

10 โอ พะจาว ยุส เอะ เค็ยง เอ็จ เรอิม เปอะ เอะ ตอก  
 เซอ ปลือย เฮ็ เอะ ซ กัฮ แม ตี แต่ะ ตอก เมอ แม เอะ เอ็จ  
 พิต แม ลปุง ซตอก ยุส เปอะ

11 ลปุง ซตอก เปอะ เซ เอ็จ มัฮ ป ดาน เปอะ โม่ ป ซิป ลปุง  
 แต่ะ เซ รโฮงละ ละ โม่ เอะ ตอก เฮ็ บันเมือง ป ซ โสลส เปอะ  
 เล็ยก อาวต นิง ละ ซ แปน อี คอง เปอะ เซ มัฮ ปลือยเตะ นาวก  
 นิง ป ฆอก ป เบท นิง มัฮ ปุย นิง เมือง เซ ป ยุส ลอป ป ฆอก  
 ป เบท ไม่ ป รแอม ละ ยุ พะจาว อี ปลือยเตะ เซ เอ็จ นาวก  
 เนอิม นิง ป ฆอก ป เบท เนอิม ก เซฮ ฮอยจ ก ล่าง เอ็น

12 มัฮ เซ ป โอ เปอะ ไมจ เกือส กาน รเมะ กาน รโปวน  
 แต่ะ ญืออะ เอ็ญู ละ ป แต่ะ ไม่ ปุย โม่ เซ ฆกี อี ปุ ซาวป เรอ  
 ม ปุย โม่ เซ เกือส จเลิน เพือส เอ็น เดอิม โม่ เปะ ซ โสลส  
 อาวต ไมจ โหม ญุก นิง เมือง เซ ไม่ ซ โสลส เปอะ มอป ละ  
 โม่ กาน ฌือต แต่ะ เกือส แปน คอง อี โอ ญูอะ ไก ลอยจ  
 เอ็จ อัส เปอะ เซ เน็

13 โอ พะจาว เมาะะ มัป ตุด ป เกือส เปอะ เอะ ลอก ฆกี  
 กัน ฆอก กัน เบท ยุส ฮู เซอ รมัฮ ลั้ง ฮา ป ลั้ง ลอก เกอะ นิง  
 มัฮ เอะ ปุย โฮวาน ลอน พิต โมาะะ ยุส เอ็จ ละ โรส ลั้ง เปอะ  
 เอะ เกือส โอม เมาะะ เฮ็ ลั้ง

14 เคียง มัธ อี ดอก เซอ□ เอะ อัม โชมกาน □ไม่ ซ เลฮ อัย กัย เวื่อน แม ตตะ ลปง ซดอก ปะ ป ไก นึง โกดไม ยุส เปอะ ดอก เซอ□ □ไม่ ซ เกืออะ ซ เอ็ญ ลั้ง ละ ปุ ตตะ □ไม่ ปุย ขอก ปุย เบร เอ็□ ดัย เอะ ยุส เนฮ กั้น ขอก ดอก เซอ□ ปะ ตั้น ซ เปลีส เปอะ รพาวม ฮาวก ตตะ ละ เอะ ฮวี่ อี□ □ไม่ ซ ยุส เอ็น เปอะ ไลจ □ไม่ โม เอะ เตือง โอยจ เจอะ ปอ โอ เยอะ เกูอะ ซ โออม ตติ ปุย เนอิม□ □ไม่ มัธ ดอก เซอ□

15 โอ เยโฮวา ป มัธ พะจาว ที โม อิชราเอณ□ ปะ ซีไซ เนอิม เปอะ□ ปะ ปั้งเมอ เกือฮ ลั้ง เปอะ เอะ โออม ลั้ง งอน□ เอะ ปีว ริชะ พิต โฌวะ ยุส ตตะ ละ เปอะ□ เอะ โชมกาน โตว □ไม่ เลียก ลั้ง ตตะ เคะ ปะ เฟือฮ เอ็น□□ อัย เซ ละ พะจาว อวี อี□

## 10

### โลลาวง ริชะ ปุย ตติ ตตะ ละ พะจาว

1 ลโล ไวออน เอชรา ปีว นึง พะจาว □ไม่ ริชะ อี พิต โฌวะ ยุส ตตะ □ไม่ วัด อี ตติ ตตะ เกือฮ หลวี่ นึง ลักกา วิฮัน ยุส พะจาว เซ □ไม่ เยือม ตตะ เซ□ เกือม เซ ฮอยจ โรฮ □ไม่ อิชราเอณ เคะ อี ตติ มุ ระ เตือง พรเมะ พรโปวน □ไม่ โม กวนค□ ปุย □ไม่ เซ เยือม เนอิม เยือม แนม โรฮ □ไม่ อี□

2 เกือม เซ เซคานียา กาน เยฮีเอณ ป มัธ □ไม่ เอลัม อัย อี ละ เอชรา เซ ดอก เอ็□ □ไม่ เอะ เอ็จ มัธ เนอิม ปุย เลฮ เตียง พะจาว□ นึง เอ็จ โคะ เกืออะ อะ □ไม่ ปุย ดั่งเมือง เอ็□ ปั้ง มัธ ดอก เซ□ □ไม่ เอะ □ไม่ อิชราเอณ เอ็□ ไก ลั้ง ดอก ซ เกียฮ โปน เนอ□

3 ปเลี่ย เอ็ □ไม่จ เอะ ชันญา อว็ □ไม่ พะจาว ยุส ตตะ ดอก เอ็□ เอะ ซ ตาว พรโปวน □ไม่ เอ็ □ไม่ □ไม่ กาน อี เตือง โอยจ อี เกือฮ เอ็ญ นึง เกืออะ นึง ย่าง ตตะ ตัม ป เอ็จ อัย ปะ ป มัธ จาวโน ยุส ฮ□ □ไม่ ตัม ป อัย □ไม่ ปุโยมว เปอะ ป นัปที เนอิม

ลปฺง ชตอก พะจาว อวฺิง เซบ ๒ ๒ว ๒เกือส มัฮ ตัม ๒ อັฮ โกตไม เซ เมือ๒

4 โกส ฮา เมือ๒ ๒ยฺ เนอิม ตัม กั้น ล้ง ๒ยฺ เปอะ เซบ ๒ฟายจ เซ เอะ ช รโพ โรย ๒ไม เปอะ๒ ๒เกือส ตี เปอะ เรียง รพาวม ละ ๒ยฺ แตะ๒๒ อັฮ เซ ละ อี๒

5 ๒เญือม เซ เอซรา โกส เนอิม๒ ๒เกือส โม ชตุ ระ ๒ไม โม เลวี ๒ไม โม อิชราเอน เตือง โอยจ อี เซ ชันญา ชโตส อี ละ ช ๒ยฺ อี ตัม ๒ อັฮ แตะ เซบ ๒ปฺย โม เซ ชันญา เนอิม อี ตอก เซบ

6 ๒ฟายจ เซ เอซรา โกส ๒เญือ เนอิม ลักกา วิฮัน ๒ยฺ พะจาว เซบ ๒เลียก ฮอยจ โตะ ฮอง เปโฮฮานัน กาน เอลียาชิ๒ ๒เญือ ๒อม ๒เอ็จ ฮอยจ อี นา เซ โชม โตว โอเอือส ตี เจือ เนอิม๒ รอวาม ๒โรส ๒ญ อี๒ ๒นิง ตุก ลอน ล้ง รพาวม แตะ ๒นิง โม ๒ เญือ เนอิม ๒แปน แตะ ครา เซบ ๒นิง มัฮ โม เซ ๒ เลส เตียง พะจาว๒

7 ๒โม ฮัวนา ๒ปฺย ครอฮ อี ละ ๒ปฺย เล็๒ เมือง ๒ุดา ๒ไม ๒ยฺรูชา เลม เซ ละ โม ๒ เญือ เนอิม ๒แปน แตะ ครา ๒ครยญ โมะ อี๒ ๒เกือส อี ฮอยจ รโจะ โพรม ตี ๒นิง ๒ยฺรูชาเลม เซบ

8 ๒ตัส โก ๒ปฺย โอ ฮอยจ นา เซ ๒ไฟ ๒นิง ลอวย ชเงะ ตัม ๒ อັฮ ๒โม จาวไน ๒ไม โม ๒ ระ ๒ คาว เซบ ๒เกือส ๒ปฺย ตฺย คาวคอง อี ฮา อี ละ ช ๒เกือส อี ๒แปน คอง ลวง๒ ๒ไม ทอเนาะ ๒นิง อี ๒ปฺย เซ ฮา ๒ปฺย ๒โฮญ เตือง โอยจ อี๒

9 ๒นิง ลอวย ชเงะ เซ โม ๒ุดา ๒ไม โม ๒เนนยามิน เซ ฮอยจ เนอิม ละ ช โพรม อี ๒ไม ๒ แตะ ๒นิง ๒ยฺรูชาเลม เตือง โอยจ ๒ตะ๒ (๒เญือม เซ ๒ุก วันที ง่า เคิ ชโตม ๒นิง อี๒๒ ๒โม ลั๒ชต่อน เตือง โอยจ อี เซ งวาม ๒นิง กังเตน ลักกา วิฮัน ๒ยฺ พะจาว เซบ ๒ชเงะ เซ ระ ลัมเลือ เฮละ ๒นิง๒ ๒ปฺย โม เซ โตวส ๒วรึง รกุส ร เตียง ๒นิง ๒ไลลวง กั้น โพรม แตะ เซบ ๒ไม ๒หูกี เฮละ ๒พริ เซ โรส๒

10 ๒เอซรา ๒ มัฮ ชตุ เซ โกส ๒นง อັฮ อี ละ ๒ปฺย โม เซ ตอก ๒เฮือ ๒โม เปะ ๒เอ็จ เลส เปอะ เตียง๒ ๒นิง ๒เอ็จ ๒เญืออะ เปอะ ๒ไม



ปรโปวาน ป มัฮ ปยุ ตังเมือง เซอ เอ็จ มัฮ เกือฮ เปอะ เคาะ นัม ฮอยจ ละ โม อิชราเอน ฆวี อี

11 เคียง มัฮ อี ตอก เซ ไมจ เปอะ รโชะ พิต โฉวะ ยุฮ แตะ ละ เยโฮวา ป มัฮ พะจาว ที โม จัตเจือ โพรหม เปอะ เซอ ไม ยุฮ เปอะ ป ปุก รพาวม อี ไมจ เปอะ ทอเนาะ ตี แตะ ฮา ปยุ ตัง เมือง ป อาวต ลลึง เปอะ ไม รกัฮ เปอะ ฮา ปรโปวาน ญืออะ เปอะ ป มัฮ ปยุ ตังเมือง เซอ อัส เซ ละ อี

12 ฟวยจ เซ ปยุ โม เซ เตือง โออยจ อี โลยฮ อี นิง เซียง เรียง แตะ ตอก เฮ็ อีจ ปุก เนอิม ตอก เซอ ไมจ เอะ ยุฮ ตัม ป เอ็จ อัส ปะ ละ แตะ เซอ

13 โม ป ฮอยจ โพรหม เฮ็ ปังเมอ โฮวาน ลัมเลือ เอิน ระ ลัมเลือ โรฮ เฮละ เฮ็ ไม เอะ ญูอะ ปุน อาวต โตว นิง กัง เด่น เฮ็ โลลวง เฮ็ มัฮ โตว ป ช เกียฮ ฟวยจ ไน ตี ลอา ซงะ โน่ง นิง เอ็จ โฮวาน ลอน โม เอะ ป ยุฮ กัน พิต กัน โฉวะ นิง โลลวง เซอ

14 ไมจ เกือฮ โม ป กาวต ป เฮียง ยุฮ แตะ อาวต คิต ง่อต กัน เซ ฆรอก โม ลัษต่อน ป ฮอยจ โพรหม เซอ เมาะ ป รัป ปรโปวาน ปยุ ตังเมือง แปน ปยุ ญืออะ แตะ เซอ ไมจ อี ฮอยจ ตัม เวลา กัมโนต ปยุ ละ แตะ ไมจ อี ฮอยจ ไม ป กาวต ป รเตือฮ รตุม นิง ย่าง อาวต แตะ เตือง ไพ เตือง มัน ดัส เอะ ยุฮ ตอก เซ รพาวม ฮาวก ยุฮ พะจาว ป ช ฮอยจ ละ เอะ ฆวี โลลวง เฮ็ ช เกียฮ ไฆร โรฮ ฆวี อี อัส เซอ

15 โม ป ตุเตฮ โลลวง เซ มัฮ โยนาทัน กวน อาซาเฮน ไม ยาไซอา กวน ทิกวา เซ โน่ง เมชูลัม ไม ชัปเบไท ป มัฮ โม เลวี มัฮ โรฮ ป รโป ป อัส ปยุ ลอา เซอ

16 ฟวยจ เซ โม ป เอ็ญู เนอิม แปน แตะ ครา เซ ยุฮ เนอิม อี ตัม เซอ เอชรา ป มัฮ ชตุ เซ เลือก อึง ปยุ ป มัฮ ฮัวนา ชฆลวาม เซอ ไม โจต อี อึง มอยฮ อี โครยญ โฆะ อี ญืออม

ฮาวก เคิ กาว ตี ชวาม เมอ ◻ โม่ เซ รโจะ ตี เนอิม คิต ง่อต ไล  
ลวง เซ ◻

17 เญือม เอ็จ ฮาวก แม เคิ ตี เซ ตี ชวาม เมอ ◻ เอ็จ ฟวยจ  
รเต็ย อี ไลลวง โม่ ป รัป ปุย ตั้งเมือง แปน พรโปวน เญืออะ  
แตะ เซ โครยญ โฆะ อี ◻

มอยฮ พรเมะ ป เญืออะ โม่ ปุย ตั้งเมือง

18 โม่ พรเมะ ป เญืออะ โม่ ปุย ตั้งเมือง มอยฮ อี ตัม ชมลวาม  
ม อี มัฮ ตอก เอ็ ◻ โม่ ชตุ นึง อี ชมลวาม เยชัว กวน โยชาต  
ก โม่ โม่ เอ็ยกป อี มัฮ มาอาเซอา ◻ เอลีเยเซอ ◻ ยาริป โม่ เก  
ด่าลียา ◻

19 ปุย โม่ เซ เอ็จ ชันญา อัง ไลลวง กัน ช ละ แตะ พรโป  
วน เญืออะ แตะ ◻ ป ทไว อี ละ ช แปน ควน ยก มัป กัฮ ตุด  
ยฮ อี เซ มัฮ แกะ โปก ตี ตัว ◻

20 ชมลวาม อิมเมอ มัฮ ฮานานี โม่ เซบ่าดียา ◻

21 ชมลวาม ฮาริม นึง อี มัฮ มาอาเซอา ◻ เอลียา ◻ เซโมอา ◻  
เยฮีเอน ◻ โม่ อุดซียา ◻

22 ชมลวาม ปัดเฮอ นึง อี มัฮ เอลีโอโน ◻ มาอาเซอา ◻ อี  
ชมาเอน ◻ เนทันเอน ◻ โยซาบัต ◻ โม่ เอลาซา ◻

23 โม่ เลวี นึง อี มัฮ โยซาบัต ◻ ซิเมอ ◻ เคลายา (ป อัส ปุย  
เคลีทา โม่ เซ ◻ ◻ เปทาฮียา ◻ ยูดา ◻ โม่ เอลีเยเซอ ◻

24 โม่ นักรอง นึง อี มัฮ เอลียาชิป ◻ โม่ ป มอง ญัม นึง วิฮัน  
นึง อี มัฮ ชันลุม ◻ เทเลม โม่ อูริ ◻

25 โม่ ลัปชต่อน นึง อี ป มัฮ ชมลวาม โม่ ปาโรต เตอ ◻ มัฮ  
รามียา ◻ อิตซียา ◻ มั่นคิอา ◻ มียามิน ◻ เอเลอาซา ◻ มั่นคิอา โม่  
เบโนยา ◻

26 ชมลวาม เอลัม นึง อี มัฮ มัตทานียา ◻ เซคารียา ◻ เยฮี  
เอน ◻ อับดี ◻ เยเรโมต ◻ โม่ เอลียา ◻

27 ชมลวาม ชัตทุ นึง อี มัฮ เอลีโอโน ◻ เอลียาชิป ◻ มัตทา  
นียา ◻ เยเรโมต ◻ ซาบัต ◻ โม่ อาซีซา ◻

28 ซซลววม เบ่ไ่บ่ นึ่ง อี้ มัฮฺ เยโฮฮานันนุ ฮานันยาอ ซัปไ่บ่  
ไม้อัดไลอ

29 ซซลววม บ่าณี นึ่ง อี้ มัฮฺ เมซูลัมม มันลุก อาด่ายาอ ยา  
ซุปอ เซออัน ไม เยเรโมตอ

30 ซซลววม ปาฮัดโมอับ นึ่ง อี้ มัฮฺ อัดนาอ เคลันน เบ่ไน  
ยาอ มาอาเซอาอ มัดทานิยาอ เบซาเลนอ บินนุย ไม มะนาเซอ

31 ซซลววม ฮาริม นึ่ง อี้ มัฮฺ เอลีเอเซอ อิตซีอาอ มันคี  
อาอ เซไมอาอ ซิเมโอนอ

32 เบ่นยามินอ มันลุก ไม เซมาริยาอ

33 ซซลววม ฮาซุม นึ่ง อี้ มัฮฺ มัดเทโนอ มัดหัดตาอ ซาบัตอ  
เอลีเฟเลตอ เยเรไมอ มะนาเซ ไม ซิเมออีอ

34 ซซลววม บ่าณี นึ่ง อี้ มัฮฺ มาอาไดอ อัมรัมอ อุเอนอ

35 เบ่ไนยาอ เบ่ไดยาอ เคลูฮีอ

36 วานิยาอ เมเรโมตอ เอลียาซิปอ

37 มัดทานิยาอ มัดเทโนอ ไม ยาอาซุอ

38 ซซลววม บินนุย นึ่ง อี้ มัฮฺ ซิเมออีอ

39 เซเลมิยาอ นาทันอ อาด่ายาอ

40 มักนาเดไ่บ่ ซาไซอ ซาไรอ

41 อาซาเรนอ เซเลมิยาอ เซมาริยาอ

42 ซันลุมอ อามาริยา ไม โยเซปอ

43 ซซลววม เนไ่บ่ นึ่ง อี้ มัฮฺ เยอีเอนอ มัดทีทียาอ ซาบัตอ  
เซบีนอ ยัดไดอ โยเอน ไม เบ่ไนยาอ

44 ปุย โม เซ เตือง โอยจ อี้ มัฮฺ ตี ป ญื่อะ ไม ปรโปวน ปุย  
ตัง เมืองอ งอน อี้ เอ็จ ไก กวน ไม ปรโปวน ญื่อะ เตะ เซอ

**Lawa, Western (พระคัมภีร์ละว้า)**  
**The Holy Bible in the Western Lawa language of**  
**Thailand**

copyright © 2018 Wycliffe Bible Translators, Inc.

Language: Western Lawa (Lawa, Western)

Contributor: Wycliffe Bible Translators, Inc.

All rights reserved.

2025-05-08

---

PDF generated using Haiola and XeLaTeX on 8 May 2025 from source files  
dated 8 May 2025

9ff0cff3-385f-5859-a382-cdb6023ff36e